


古今名媛詩歸叙

詩也者自然之聲也。非假

法律模倣而工者也。三百

篇自登山涉阻。唱爲懷人

之祖。其言可歌可咏。要以



不失溫柔敦厚而已。安有
所爲法律哉。今之爲詩者。
未就蠻牋。先言法律。且曰
某人學某格。某詩習某派。
故夫今人今士之詩。胸中

先有曹劉溫李。而後擬爲
之者也。若夫古今名媛。則
發乎情。根乎性。未嘗擬作。
亦不知派。無南皮西崑。而
自流其悲雅者也。今夫婦

人始一女子耳。不知巧拙。
不識幽憂。頭施紺纂。以無
非耳。及至釵垂簾蔽。露濕
輕容。回黃轉綠。世事不無
反覆。而于時喜則反。冰爲

花。于時悶則鬱。雲爲雪。清
如浴碧。慘若夢紅。忽而孤
邈。一線通串百端。紛溶箭
蔘猗猊。鼎歛所自來矣。故
凡後日之工詩者。皆前日

之不能工詩者也。夫詩之
道亦多端矣。而吾必取于
清。向嘗序友夏簡遠堂集
曰。詩清物也。其體好逸。勞
則否。其地喜淨。穢則否。其

境取幽雜則否。然之數者。
未有克勝女子者也。蓋女
子不習軸僕輿馬之務。纏
苔芳樹。養絃薰香。與爲恬
雅。男子猶藉四方之遊。親

知四方。如虞世基撰十郡
志。叙山川。始有山水圖。叙
郡國。始有郡邑圖。叙城隍。
始有公館圖。而婦人不爾
也。衾枕間有鄉縣。夢魂間

有。關。塞。惟。清。故。也。清。則。慧。
盧。眉。娘。十。四。能。于。尺。絹。繡。
靈。寶。經。字。如。粟。粒。點。畫。分。
明。又。以。絲。一。絢。結。爲。金。蓋。
中。有。十。州。三。島。臺。殿。鳳。麟。

之狀。嗟乎。男子之巧。洵不
及婦人矣。其于詩賦。又豈
數數也哉。然此非予之言
也。劉彥和之言也。彥和云。
四言正體。雅潤爲本。五言

流調清麗居宗。今人工于
格套。巧人殘膏清麗一道。
類弁失之。纈衣反得之。嗚
呼。梅岑水月粧。肯學邯鄲
步。蓋病近日之學詩者不


肯質近自然。而取妍反拙。
故青蓮乃一發于素足之
女。爲其天然絕去雕飾。則
夫名媛之集。不有裨哉。或
曰坊于淫。或不盡出于典。

則不見衛莊姜。班婕妤。豈
不丹華而靡曼乎。獨是不
徵于文獻。不載于名山。無
輜車觀風之赴告。謠俗聞
見之傳信。其褒輯爲難。獨

一二有心之士。偶與之論

述爰命梓人永之

景陵鍾惺伯敬父題



名媛詩歸總目

卷之一

古逸

漢

一

卷之二

北齊

北齊

割

漢

二

卷之三

宋

魏

晉

一

卷之四

晉

二

名媛詩歸

總目

一

卷之五

晉

三

卷之六

宋

齊

梁

一

卷之七

梁

二

北魏

北齊

隋

卷之八

迴文

卷之九

卷之十

唐

卷之十一

卷之十二

唐

卷之十三

卷之十四

唐

卷之十五

卷之十六

唐

卷之十七

卷之十八

唐

卷之十四

唐

六

卷之十五

唐

七

卷之十六

蜀

一

卷之十七

蜀

二

卷之十八

卷宋二十一

卷之十九

卷宋二十六

卷之二十

卷宋二十五

卷之二十一

卷宋二十四

卷之二十二

卷宋二十三

卷之二十三

元二十一

卷之二十四

元二十一

卷之二十五

明二十一

卷之二十六

明二十一

卷之二十七

卷明三
十六

卷之二十八

卷明四
十五

卷之二十九

卷明五
十四

卷之三十

卷明六
十三

卷之三十一

卷明七
十二

卷之三十二

明八

卷之三十三

明九

卷之三十四

明十

卷之三十五

明十一

卷之三十六

明 十二

總目

宮媛詩歸

總目

七

目錄

卷之五

卷之五

卷之五

卷之五

卷之五

卷之五

卷之五

卷之五

名媛詩歸卷之一目錄

古逸

皇娥嫫祖

清歌

西王母

天子謠

西王母吟

柳下惠妻

柳下惠誄

次室女

女貞木歌

陶嬰

黃鵠歌

恭伯姬傳母

伯姬引

杞梁妻

古瑟琴歌

各款姬氏卷之一目錄

思歸引 二首

韓憑妻何氏

烏鵲歌 二首

答夫歌

麗玉

空篴引

紫玉

紫玉歌

勾踐夫人

烏鳶歌
二首

采葛婦

采葛歌

女涓

河激歌

百里奚妻

炭慶歌
二首

琴女

琴歌

漢一

唐山夫人

安世房中歌

十六首

虞姬

和楚王垓下歌

戚夫人

春歌

華容夫人

續燕刺王歌

烏孫公主

悲歌

蘇武妻

答外留別

王嬙

怨詩

班婕妤

怨歌行

趙飛燕

歸風送遠操

目次

畢

名媛詩歸

目錄卷一

目

目次

讀風集卷一

名媛詩歸卷之一

景陵 鍾 惺伯敬點次

古逸

皇娥嫫祖

少昊母也。夜處璇宮而織。晝乘桴木而遊。經歷窮桑滄茫之浦。時有神童

容貌絕俗。稱為白帝子。與娥譙戲。並坐撫

桐峯梓瑟。皇娥倚瑟而作清歌。帝子答歌

曰。四維入埏。眇難極。驅光逐景。窮水域。璇

宮夜靜。當軒織桐峰文梓。千尋直。伐梓作

器。成琴瑟。清歌流暢。樂難極。滄湄海浦

來棲息。及皇娥生。少昊號曰窮桑氏。

○清歌

天清地曠。浩茫茫。萬象迴薄。化無方。

男女譙狎。作此大本領語。

滄天蕩蕩望滄滄。乘桴輕漾著日傍。

三字深幻。著日傍著字。

妙在有
着落。

當期何所至窮桑。心知和樂悅未央。

心知二字。

却含許多敬愛念頭。後人便有
樂而不淫四字。不如此之深厚。

二歌純乎七言古矣。義皇之時。已有歌行。
其真偽自可存而不論。然其奇渾高妙。自

非漢以下
所辦。

西王母

名婉姸。姓緱氏。虎齒蓬髮。戴勝善嘯。周
穆王滿十七年。西征崑崙。賓于西王母。

觴于瑤池之上。王母為天子謠。以送之。穆
王答曰。予歸東土。和治諸夏。萬民平均。吾

願見汝。比及三
年。將復而野。

○天子謠

白雲在天山際自出。叶尺爲反道里悠遠山川間。

之將子無死。將子字如尚復能來。叶陵之反。說得緊煞。便是鞭

策語

亦自與。偽作不得。秀甚。無麤濁氣。與在將子無死。

○西王母吟

徂彼西土。爰居其所。虎豹爲羣。鳥鵲與處。嘉命不

遷。我惟帝女。彼何世民。仙人。口氣。居然滄桑在目。又將去予。吹

笙鼓簧。中心翱翔。世民之子。維天之望。

讀前詩將子無死。尚復能來。及此我惟帝女。彼何世民。可知婉姸胸中眼中。却把穆

天子看作一箇極癡蠢漢。至世民之子。惟天之望。却又鄭重言之。正以其癡蠢太甚。故頻頻下此鞭策語耳。

觀穆天子答詩自見。

柳下惠妻

柳下惠死。門人將誄之。妻曰。將誄夫子之德邪。則二三子不如妾知之也。

及誄既成。門人從之。以為誄。莫能竄一字。

○柳下惠誄

夫子不伐兮。夫子之不竭兮。夫子之信誠而與人

無害兮。害當叶音曷柔屈從俗。不强察兮。强察字妙蒙恥救

民。四字難言。非聖人不德彌大兮。雖遇三黜。終不

弊兮。豈弟君子。四字加柳惠更為穩稱。永能厲兮。嗟呼惜哉。

乃下世兮庶幾遐年今遂逝兮

四語反淺

嗚呼哀哉竟

神泄兮夫子之謚宜為惠兮

秉筆確基

惠之和之介之不恭和盤託出真知己真執友也。○筆力又在東方朔誠子及畫贊上。

次室女

魯處女也常倚柱悲吟而嘯鄰人謂曰

欲嫁耶何吟之悲也女曰嗟乎吾傷民心悲而嘯豈欲嫁哉自傷懷潔而為鄰人所疑於是褰裳而去入山林之中見貞女之廟有女貞木焉喟然太息援琴而歌遂自縊死貞木者少陰之精冬不落葉即今

冬青木也

○女貞木歌

菁菁茂木隱獨榮兮

隱獨榮三字。變化垂枝含蕤。是立詩之本。

英兮

讀此四句。便有世道江河之慮。

修身養志建令名兮。厥身不

同善惡并兮。

說得可畏

屈身身濁去微清兮。懷中見疑

何貪生兮。

達人胸中常有此一段迂濶念。頭然畢竟止成迂濶者。讓他決裂一着耳。每讀此等

詩令人

愧赧。

陶嬰

魯陶明女也。少寡。養孤幼。無彊昆弟。紡績為產。魯人聞其義。將求焉。嬰聞之。恐不免。

乃作歌以明志。魯人聞之。不敢復求。

○黃鵠歌

悲夫黃鵠之早寡兮，七年不雙。

叶

宛頸獨宿兮。

四

寫盡孤苦

不與衆同夜半悲鳴兮，想其故雄。

孀不夜哭於此處諱

得天命早寡兮。

說天命鎮定俗人胸中游移之想

獨宿何傷，寡婦

念此兮，泣下數行，嗚呼哀哉兮，死者不可忘。

有飛

鳥尚然兮，況於貞良，雖有賢雄兮，終不同行。

讀汝雄字

又讀賢雄句。卓文君輩開不得口矣。以是知擇夫擇君之說寡婦及亡國之臣俱用

不着

恭伯姬傳母

魯宣公女，成公妹，爲宋恭公夫人，公薨，伯姬執節守貞，魯宣公三十

年，宋宮災，伯姬在焉，有司請曰：「火將至矣。」伯姬曰：「吾聞婦人夜出，不見傳母不下堂。」

越義而生不如守義而死遂逮於火而死
其傳母自傷行遲悼伯姬之遇災援琴而

歌之

○伯姬引

嘉名潔兮行彌彰托節孤兮令躬喪

只一孤字定伯姬千秋之

節如後世紛紛傳記鋪張過實徒侈載籍疑信參半不如古人立言之妙歎歎何幸遇

斯殃嗟嗟奈何罹斯殃

杞梁妻

齊莊襲莒杞梁殖戰死其妻枕尸哭于城下七日城為之崩及迎喪以歸公使

人弔之塗妻曰君之臣不免於罪則將肆諸市朝而妻妾執君之臣不免於罪則有先人之敝廬在君無所辱令公使弔於室既葬無子曰吾何歸矣援琴成操赴溜水而

外

○琴歌

樂莫樂兮新相知。悲莫悲兮生別離。

悲。痛。之。言。殊。不。欲。盡。不。欲。盡。愈。覺。悲。痛。

姬氏

衛侯女也。邵王聞其賢。請聘之。未至。而王薨。太子欲留之。女不聽。拘于深宮。欲歸不得。援琴而歌。思歸引焉。曲終遂縊而死。

思歸引

涓涓泉水流。及於淇。今有懷於衛。靡日不思。執節不移。今行不隳。

忠臣節婦。大約七字盡之矣。

矜軻何辜。今離厥

菑嗟乎何辜兮離厥菑

其二

涓涓淇水流於淇兮有懷於衛靡日不思執節不

移行不詭隨坎坷何辜兮離厥菑

損一語音節更促

流及於淇其意悲流於淇其意憤總是處此變亂一刻不可居其言亦遂激直無倫

耳要之古人分章作詩每用一二字稍別之者其實用意斟酌非苟且成句也知此

可悟深淺之法

韓憑妻何氏

戰國時韓憑為宋康王舍人其妻何氏美好王欲奪之乃先築青陵

臺而望之後竟奪何而囚憑何氏乃作烏鵲歌以見志又作歌以答其夫憑得書遂

自。殺。何。卽。陰。腐。其。衣。與。王。登。臺。遽。自。投。臺。
下。左。右。捉。衣。衣。不。勝。手。得。遺。書。於。帶。中。曰。
願。以。屍。還。韓。氏。而。合。葬。王。大。怒。又。得。寄。憑。
歌。以。問。蘇。賀。賀。曰。雨。淫。淫。愁。且。思。也。河。水。
深。不。得。往。來。也。日。當。心。有。死。志。也。迺。令。分。
埋。之。兩。塚。相。望。經。宿。忽。有。梓。木。各。生。於。塚。
根。交。於。下。枝。連。於。上。又。有。鳥。如。鴛。鴦。常。雙。
棲。其。樹。朝。暮。悲。鳴。人。皆。異。之。曰。此。韓。大。夫。
夫。婦。之。精。魄。也。見。者。莫。
不。淚。下。塚。在。今。開。封。府。

○烏鵲歌

南山有烏。北山張羅。烏。自。高。飛。羅。當。奈。何。

出口凜然說得

宋王甚無謂。

○○其二

烏鵲雙飛不樂鳳皇妾是庶人不樂宋王

妙在不婉曲不使好色人臂中得有富貴二字

○答夫歌

其雨淫淫河大水深日出當心

似易林語

譚友夏云有三百篇之涵蓄所遜者微傷嚴促耳○至此亦有死念妙在前二章對宋王全不露出苦心深志○何氏雜經綠珠墮樓敗盡千古聲色中驕矜勢力之興傷心中快事

麗王

朝鮮津卒霍里子高妻也子高晨起刺船有一白首狂夫被髮提壺亂流而渡其妻隨呼止之不及遂投河而死於是援箜篌而歌聲甚悽愴曲終亦投河而死子高還

以語麗玉。玉傷之。乃引箜篌而寫其聲。聞者莫不墮淚。

○箜篌引

公無渡河。公竟渡河。渡河而死。其奈公何。

不須引情刻語。真

堪墮淚。妙在真耳。

紫玉

吳王夫差女也。悅童子韓重。欲嫁之。不得。結氣而死。重游學歸。知之。往弔於墓側。玉形見。贈重明珠。因作歌。

○紫玉歌

南山有鳥。北山張羅。意欲從君。

意欲使有恐。失於正意。

讒言

孔多。悲結成疹。歿命黃壚。

叶

命之不造。寃如之何。

羽族之長，名為鳳皇。一日失雄，三年感傷。雖有衆

鳥，不為匹雙。

鳳皇句為已與韓重張價以下說自已。都說向義上去不說情上去妙妙。

故見鄙姿。

故見二字。文字句法入詩甚新。

逢君輝光，身遠心近。何

曾暫忘。

譚友夏云：古今多少才子佳人，被愚拘父母扳住，不能成對。齎情而死。讀紫玉歌。蓋悟文君奔相如，是上上妙策。非膽到識到人不能用。

勾踐夫人

越王勾踐夫人也。越為吳所敗，勾踐去國事吳，身為臣。夫人為妾，及渡浙

江，夫人見烏鵲啄江渚之鰕，飛去復來，因據船慟哭，而作歌。王聞歌，心中自慟，乃謂夫人曰：孤何憂？吾之六翮備矣。遂人吳，共稱臣妾于夫差，後卒滅吳。

烏鳶歌

仰飛鳥兮烏鳶，凌玄虛兮號翩。集洲渚兮優恣，啄

鰕矯翮兮雲間，任厥性兮往還。

前半只似賦物。以下忽然入情。畧無

痕迹。非古人筆力高峻。不能斬截如此。

妾無罪兮負地。

有何辜兮譴。

天。

負地譴天。聲口忿急。而語有分寸。亡國之婦。怨艾容或有之。若策慵警情。勇猛奮勵。非圖王定

霸者。不能。飄獨兮西往，孰知返兮何年。心惓惓兮若割，

淚泫泫兮雙懸。

其二

彼飛鳥兮鳶鳥，已迴翔兮翕蘇。

二字妙在。識鳥性情。心在專。

兮素鰈

心在專三字奇古

何居食兮江湖，徊復翔兮游颺。

去復返兮於乎。

用於乎二字作住句。卽逆應法也。古人句法不嫌獨翔亦往往有之。

始事君兮去字終我命兮君都終來遇兮何辜。

兩句

連用兩終字不覺其複。

離我國兮去吳妻衣褐兮爲婢夫去

冕兮爲奴歲遙遙兮難極冤悲痛兮心惻腸千結

兮服膺於乎哀兮忘食願我身兮如鳥。

此句甚悲。身翺

翔兮矯翼去我國兮心遙情憤惋兮誰識。

前詩只作兩比。

此則復以四句相比作束別章法也。

兩詩只平平敘訴而黯淡悲淒之况宛然在目。語直而情婉由其氣之厚也。○兩詩

有興賦之異。

采葛婦

越人也。越王自吳還國，勞身苦心，懸膽

於戶。出入嘗之，知吳王好服，使國中男女入山采葛，作黃絲布以獻之。吳王悅，乃增越之封，賜羽毛之飾，几杖諸侯之服。采葛之婦傷越王用心之苦，乃作詩以道其意。

○采葛歌

葛不連蔓，茶台台。我君心苦，命更之。嘗膽不苦，其

如飴。

只一苦字分作三層讀之，深慘。令我采葛以作絲，令我二字甚關係。

女工織，今不敢遲。

意氣弱於羅，今輕罪罪。語偏號。

絺素，今將獻之。越王悅，今忘罪除。

先形容越王之悅，一段真情只

是補景之妙。

吳王歡兮飛尺書。增封益地。賜羽奇。几杖

茵褥。諸侯儀。

奇句法

羣臣拜舞。天顏舒。我王何憂能

不移。

以規美贊頌之語。作結何等溫厚。

質而婉。譚友夏云。越王薪膽之忱。下通婦女。涕泣歌舞。盡於一歌。欲不沼吳得乎。

三代而後。不能使民至此。

女涓

趙河津吏女也。簡子南擊楚。津吏醉臥。不能渡。簡子欲殺之。涓懼持楫而前。曰。妾父聞君東渡。不測之水。恐風波之起。故禱九江。三淮之神。不勝巫祝。杯酌餘瀝。醉至如此。妾願以微軀。易父之死。簡子遂釋不誅。將渡。用楫者少一人。涓懷拳操楫而請。簡子遂與渡中。流為簡子發河激之歌。簡子歸納為夫人。

○河激歌

升彼河兮面觀清。水揚波兮杳冥冥。禱求福兮醉

不醒。處父於無過之地。誅將加兮妾心驚。罰既釋兮瀆乃

清。說神人感通之理。如響如應。善於自待。妾持楫兮操其維。蛟龍助

今主將歸。呼來權兮行勿疑。感動簡子。只在行勿疑三字。

通篇口角。有驕矜揚詡之意。當由時世使然。風氣厚薄。婦人亦所不免。

百里奚妻百里奚去虞將適秦其妻以門關烹雞母餞之後奚為秦相堂上樂作所

賃澣婦自言知音因撫弦而歌問之乃其故妻還為夫婦亦謂之炭炭歌。

、炭炭歌

百里奚五羊皮

援前事以動其心

憶別時烹伏雌吹竽

直叙貧賤時細事大

今日富貴忘我為

其二

百里奚初娶我時五羊皮

着娶我時三字。怨甚亦憤甚。

臨當別

時烹乳雞今日富貴忘我為

其三

百里奚百里奚母已死葬南谿墳以瓦覆以柴

說到

親上越發刺心

春黃藜搯伏雞西入秦五羊皮今日富貴

捐我為

捐字比忘字更深

惠山

琴女

前二歌激直後一歌綿婉對太豪傑人說
心中事必先驚攝其意氣後却步步引入
情去使他負心不得乃知百里妻
作用勝卓文君霍小玉輩多少
秦王殿上女也荆軻刺秦王右手執匕首
左手把其袖秦王曰乞聽琴聲而死琴女
乃奏曲云王從其計遂拔劍
斬軻軻不解琴故及於難

琴歌

羅○穀○單○衣○可○掣○而○絕○三○尺○屏○風○可○超○而○越○鹿○盧○之○

劍○可○負○而○拔○

繁聲促節有無限殺伐在其中秦
王後着却不及殿上女先着也

讀古逸詩與漢人諸作已不同漢人莊
整不如古之與變漢人雄深不如古之清

質。漢人衍道理。不如古之切情事。古人無
意。爲詩。每得疾痛慘怛之時。卒然成韻。大
都哀聲多。而樂聲少。所謂本乎性情者也。
後人有意爲詩。不惟情事不屬。音節亦遜。
蓋音節亦在氣侯中。也。卽婦人詩。亦見一
班。○古人中女子作詩。亦只因事寫情。演
入聲調。雖單詞質語。必曲折與衍。非如今
人。纍纍成篇。比事屬偶。作遊戲玩弄事也。
喜怒哀樂之故。因乎情。而止乎性。至於綿
婉。駘宕。繇讀者自相感發。作者未必能知
閱。女。人。詩。當觀其性。情。不。當。以。才。力。
求。之。才。力。在。男。子。且。難。况。於。婦。人。乎。

漢一

唐山夫人

周有房中之樂。歌后妃之德。秦始皇

房中者。故惟宮中用之。漢書禮樂志曰。漢
房中樂詞。高祖唐山夫人所作。凡樂樂其

所生禮不忘其本。高祖樂楚聲，故房中樂楚聲也。孝惠二年，使樂府令夏侯寬備其簫管，更名安世樂。宋書樂志曰：魏文帝讀漢安世詩，無有二南風化之言，改曰享神歌。

安世房中歌

大孝備矣，休德昭清。

兩句是全詩之目。肅雅其氣足以鎮之。

高張

四懸樂，克宮庭。芬樹羽林，雲景杳冥。

四字幽光

金支秀

華。庶旄翠旌。

譚友夏云：有此八字，典麗則雲景杳冥，不落詩家秀語。此補綴救靈妙法也。

其二

七始華始。肅倡和聲。神來晏。嫉庶幾是聽。如聞聲響。粥。

粥音送。細齊人情。樂記中興語。譚友夏云與大雅有聞無聲同一靜想。忽。

乘青玄。熙事備成。清思。聊。聊。經緯。冥冥。譚友夏云淵然。確然。

備此二言。

束聲屏息氣理和。近恍若神之與聚。

○其三

我定歷數。人告其心。四字儘深。漢治末能至此。近於夸矣。敕身齊戒。

施教申申。真實戒懼念頭正。乃立祖廟。敬明尊親。

大矣。孝熙四極。爰轉。

○其四

王侯秉德。其隣翼翼。

翼翼字用在其隣上。衆附可想。顯明昭式。清

明鬯矣。

鬯字用得詳雅。

皇帝孝德。竟全大功。撫安四極。

此首似李斯泰山諸碑銘。

○其五

海內有姦。紛亂東北。詔撫成師。武臣承德。

四字深須看他

何等着想。行樂交逆。簫勺群慝。肅爲濟哉。蓋定燕國。

哉字。

蓋字皆以虛字互相承接甚奇。

○其六

大海蕩蕩水所歸。高賢愉愉民所懷。

此語諷之用賢修文。有卷

阿馮翼考德之思。覺猛士守四方語。讀此霸氣銷半。

太行崔百卉殖。民何貴。

貴有德。

譚友夏云。自此以下。變調疊出。似急似繁。絃管嘈嘈。真是可歌可賞。

○其七

安其所。樂終產。樂終產。世繼緒。飛龍秩。遊上天。高

賢愉。樂民人。

此章質而近險。然一意承接。無牽率。淫綴之病。故讀者樂其質而忘其險。

○其八

豐草萋女蘿施善何如誰能回與上章了不相蒙細釋其情文則艸

天木秀。覺賢愉。大莫大。成教德。長莫長。被無極。

民樂在其中矣。譚友夏云。又宕出一章。波紋細動。能使前後有情。○郊廟詩宜於賦體。此章用比興動。奧而。

○其九

雷震震。電耀耀。明德鄉。治本約。治本約。澤弘大。加

被寵。咸相保。德施大。世曼壽。質至溫篤。似箴似銘。

此章平而妙。在字句有沈晦處。

○其十

都荔遂芳。窈窕桂華。孝奏天儀。若日月光。

譚友夏云說得

孝思驚動照耀

樂玄四龍回馳北行。羽旄殷盛。芬哉芒芒。

孝道隨世。

譚友夏云四字深於言孝。武周達孝只此四字。

我署文章。

此章句法。皆極意刻劃。

○其十一

馮馮翼翼。承天之則。吾易久遠。燭明四極。

即無微不微意。

如此用語。却更深至。

慈惠所愛。美若休德。杳杳冥冥。克綽永

福。

○其十二

於善所成。斯道回

與上章了不厭棄

磴磴卽卽。師象山則。

古質語。入口却甚排宕。

嗚呼孝哉。

譚友夏云。

讚歎得妙。

案撫戎國。蠻夷竭歡。象來致福。兼臨是愛。

兼臨。

字。使人有俯仰生感之思。

終無兵革。

○其十三

嘉薦芳矣。告靈饗矣。告靈既饗。德音孔臧。惟德之

臧。建侯之常。承保天休。令問不忘。

味其語氣。捷如影響。疾如風雨。神之至矣。如在其上。如在其左右。

○其十四

皇皇鴻明。蕩侯休德。

蕩字頌揚得深廣。

嘉承天和。伊樂厥

福。

伊樂含稱願意。

在樂不荒。惟民之則。

規得妙。

後則師德下

民咸殖。令問在舊。孔容翼翼。

○其十五

孔容之常。承帝之明。下民之樂。子孫保光。

上章說在樂不

荒。惟民之則。此章說下民之樂。子孫保光。總是親上愛民。相須處。可作樂民之樂者。民亦樂其樂。註

疏。

承順溫良。受帝之光。

此又申言天人合一處。

嘉薦令芳。壽

考不忘。

此等平調無可喜。却使人不敢刪。此漢人分格也。

○其十六

承帝明德。師象山則。

譚友夏云此等錯出重出。不苟不易。

雲施稱民。

永受厥福。承容之常。承帝之明。下民安樂。受福無

疆。

安世房中歌無雅頌之和。大亦無漢以下之膚近。質奧杳幻。自爲一音。在四詩爲雜。

霸在漢以後爲正始。樂府之有郊廟卽近體中之有應制也。不肅不膚。可以爲法。

伏。女。人。詩。定。帶。斌。媚。唐。山。典。奧。古。嚴。專。降。伏。文。章。中。一。等。韻。士。郊。廟。大。文。出。自。閨。閣。

使人慙服。要之此等亦是天地間第一。開闢事遇此等開闢天地人其文亦照耀。

彪炳於時也。譚友夏云讀此覺練時曰。等樂府又是後代矣。愈高格。愈幽響。如江。

河之出而爲澗泉。非不更可驚喜。然故步稍狹矣。

虞姬

項羽美人也。羽被圍垓下，夜聞漢軍皆楚歌，驚曰：「漢已得楚乎？何楚人之多也？」起飲帳中，乃慷慨悲歌，自爲詩曰：「力拔山兮氣蓋世，時不利兮騅不逝。騅不逝兮可奈何。虞兮虞兮奈若何。」歌數闋，美人和之，和淚泣下，遂自刎。

○和楚王垓下歌

漢兵已略地，四面楚歌聲。大王意氣盡。

三字沉痛賤妾

何聊生。

觀項王所以感動虞姬，與姬所以歿項王，非千古真有情真知己，不能到此。故虞姬只輕輕說意氣盡三字，了却項王一生雄心猛氣，威加四海，臣服天下，非項王智力所不及。然卒有烏江之敗，則其故難言矣。○須知意氣必非詭詐人所能有，則虞姬

死之之故。亦甚明決矣。○意氣盡三字。尤
常與天亡我等語合看。○英雄本色。於多
情上體勘。則一毫假不得矣。
此子長所以叙和歌意也。

戚夫人

漢高祖得定陶愛幸戚姬。生趙隱王如
意。數欲乞如意代太子。惠帝立。呂后爲
皇太后。廼令永巷囚戚夫人。髡鉗衣赭。令
舂。戚夫人舂且歌。太后聞之。大怒曰。乃欲
倚子耶。召趙王殺之。遂斷戚夫人手足。
去眼。暉耳。飲瘖藥。使居廁中。命曰人彘。

○春歌

子爲王母爲虜。終日春薄暮。常與死爲伍。相離三
千里。當誰使告女。

漢高帝終不以戚姬故奪嫡。不獨開國遠
慮。亦自是丈夫氣。然呂雉老狐。立其子。正

當用武帝處鈎弋夫。
人法處之始快人心。

華容夫人

燕刺王旦、漢武帝第四子也。昭帝時旦自以武帝子且長，不得立，乃與旦

姊蓋長公主左將軍上官桀交通，謀廢帝，迎立燕王。人知而告之，由是發覺。王憂懣，置酒萬載宮，會賓客群臣妃妾坐飲。王自歌云：「歸空城兮，狗不吠，雞不鳴。橫術何廣兮，固知國中之無人。」夫人起舞而續歌，坐者皆泣。王遂自殺。

○續燕刺王歌

髮紛紛兮寘渠，骨籍籍兮亡居。母求死子兮，妻求

歿夫。

譚友夏云：「極裂腸在此三句。然非此三句，則三百篇哀遠之詩矣。有鑒者察之。」裴回。

兩渠間兮，君子將安居。

如淒風寒月。過古戰場。及墟墓間。

烏孫公主

武帝元封中遣江都王建女細君爲公主。以妻烏孫昆莫公主。至其國。自治宮室居。歲時一再與昆莫會。置酒飲食。昆莫年老。言語不通。公主悲。乃自作歌。

○悲歌

吾家嫁我。今天一方。

嫁我上着我家二字。便不忍讀。

遠托異國。今

烏孫王。

托字卽倚托之托。古人作哀慘語。輒從鄭重言之。深情苦境。怨恨無聊。

穹廬

爲室。今羶爲墻。以肉爲食。今酪爲漿。

以字有不甚處在內。常

思漢土。今心內傷。願爲黃鵠。今歸故鄉。

此等事不得不備入其中。其詩亦酸楚。令讀者傷之。

蘇武妻

漢武帝太初四年且鞮侯單于既立遣中郎將蘇武厚幣賂往遣單于武乃作

詩留別其

妻答之

○答外留別

與君結新婚宿昔當別離。

宿昔二字正為當字作解。

涼風動秋

草。蟋蟀鳴相隨。

說時物變遷。翻覺有情。離人已不堪聽。

冽冽寒蟬吟。

寒蟬抱枯枝。枯枝時飛揚。

怨甚不必讀下句矣。

身體忽遷移。

不悲身體移。當惜歲月馳。

即武詩努力愛春華意。

月馳無窮

極。會合安可知。願為雙黃鵠。悲鳴戲清池。

悲鳴戲二字錯

出。不倫。正其怨思無端也。

句句轉。句句怨。情思縱橫。有。不。欲。自。盡。之。意。正是將別時光景。幽。動。綿。邈。愈。緩。愈。憤。武。詩。似。覺。激。直。矣。

王嬙

字昭君。齊國王穰女。端正閒麗。未嘗窺門戶。穰以其有異于人。求之者皆不與。年十七。獻之元帝。元帝以地遠不之幸。以備後宮。積五六年。帝以後宮既多。不得常見。乃使畫工圖其形。按圖召幸。宮人皆賂畫工。昭君自恃其貌。獨不肯與。工人乃醜圖之。後匈奴入朝。求美人為閼氏。帝按圖以昭君行。及入辭。光彩射人。悚動左右。天子方重信外國。悔恨不及。昭君既行。乃為書上。帝曰。臣妾得備員禁衛。謂身依日月。死有餘芳。而失意丹青。遠竄異域。誠得捐軀報主。何敢自憐。獨惜國家黜陟。移於賤工。南望闕庭。徒增愴結耳。有父有弟。惟陛下幸少憐之。帝乃窮案其事。畫工有杜陵毛延

壽棄市籍其資財昭君至匈奴單于大悅
以爲漢與我厚縱酒作樂遣使報漢白璧
一雙騾馬十匹胡地珍寶之物昭君恨帝
始不見遇乃作怨思之歌單于死于世達
立昭君謂之曰爲胡者妻毋爲秦者更娶
世達曰欲作胡禮昭君乃吞藥而死胡地
草色皆白惟昭君墓草獨青

○怨詩

秋木萋萋其葉萎黃有鳥處山集於苞桑養育毛

羽形容生光

譚友夏云如好鳥在前自待極峻
卽本傳端正閒麗未嘗窺門戶語也

旣得升雲上游曲房離宮絕曠身體摧藏四字有

意志念抑沈不得頔頔雖得委食心有徊徨譚友夏云

妙將自己志念對禽鳥說出不激不詳多少腸斷。

我獨伊何來往變常。翩

翩之鷺遠集西羌高山峩峩河水泱泱父兮母兮

道里悠長。

父母可明說其他難言者甚多當從此句想之

嗚呼哀哉憂心

惻傷。

此明妃詞也。何等宛質。何至如後世膚冗。

○譚友夏云石季倫詩明敘其事。明妃自

作怨詩反委曲旁引一字不露翻恨季倫

有錢穀氣。○明妃入胡是千古傷心事。他

人代他想不得說不得。

况自己乎。一說明便淺。

班婕妤

左曹越騎校尉况之女司空掾彪之姑也少有才學成帝選入宮初為小使俄

而大幸為婕妤居增城宮帝嘗遊後庭欲與同輦載辭之上善其言而止後趙飛燕

姊弟從微賤、寵冠于後宮、因譖婕妤、說詛
主上、考問之、對曰、妾聞修正、尚未蒙福、為
邪、欲以何望、使鬼神有知、不受不臣之愆、
如其無知、愆之何益、上善其對、然自是失
寵、稀復進見、恐久見危、求供養、太后長信
宮中、帝許焉、乃作自悼賦、又作紈扇詩、以
自傷、

○怨歌行

新裂齊紈素、皎潔如霜雪、裁成合歡扇、團團似明
月、出入君懷袖、動搖微風發、溫至之語、自與挾恩
恃寵輩、迥然不同、

常恐秋節至、

常恐二字、含見
幾明哲在內、

涼飈敝炎熱、棄捐篋

笥中、恩情中道絕、

輕婉卑順。却是婦人語。調亦平。○左貴嬪
贊。婕妤有恭讓謙虛四字。不浮不溢。可稱
已。知

趙飛燕

長安民家女。能內視還童之術。初私射
鳥兒。後屬和陽主字。成帝召拜婕妤。有
寵。尋拜皇后。帝未嗣。后日夜求子。多用小
犢車。載年少子與通。帝疑頗踈之。后生日。
昭儀爲賀。帝亦同往。遇暮方離后。宫后因
帝幸。心爲姦利。乃詐託有孕。上牋奏帝曰。
臣妾久備掖庭。先承奉御。遣肆大號。積有
歲時。近因始生之日。復加善視之私。特屈
乘輿。俯臨東掖。久待宴私。再承幸御。臣妾
數月來。內宮盈實。月脉不流。飲食美甘。不
異常日。知聖躬之在體。辨天日之入懷。虹
初貫。總是真符。龍據妾胸。茲爲佳瑞。更期
蕃育神嗣。抱日趨庭。瞻望聖明。踴躍臨賀。
謹此以聞。帝時在西宮。得奏。喜動顏色。即

詔答之、踰期遣奏、臣妾昨夢龍卧、
不幸聖嗣不育、帝但惋歎而已、

歸風送揅

涼風起兮大隕霜、懷君子兮渺難望、感予心兮多
慨慷、

自是一種賦手、開
後人擬作之端、

名媛詩歸卷一

終

名媛詩歸卷之二目錄

漢二

羅敷

陌上桑

蘇伯玉妻

盤中詩

竇玄妻

古怨歌

唐姬

抗袖歌

卓文君

白頭吟

一首

司馬相如誄

徐淑

答秦嘉

蔡琰

胡笳十八拍

悲憤詩

二首

崔氏女

贈盧充

目次

畢

名媛詩歸

目錄卷二

二

名媛詩歸卷之二

景陵鍾惺伯敬點次

漢二

羅敷

舊說邯鄲女子，姓秦，名羅敷，爲邑人千乘王仁妻。仁後爲趙主家令，羅敷出採桑於陌上，趙王登臺見而悅之，置酒欲奪之。羅敷善彈箏，作陌上桑以自明。案其歌辭，稱羅敷採桑陌上，爲使君所邀，羅敷盛誇其夫爲侍中郎以拒之，與舊說不同。

○陌上桑

日出東南隅，照我秦氏樓。

我字就立意了。

秦氏有好女，自

名爲羅敷。

自名二，字任甚。

羅敷善蠶桑，採桑城南隅。青絲

爲籠絲，桂枝爲籠鈎，頭上倭隨髻，耳中明月珠，湘

綺爲下裙，紫綺爲上襦。

每事鋪張。人知其爲下文觀者張本。不知其實爲貞

靜張本也。慧心艷質。往往風流戲動。使愚痴人見之。便將淫宕工目之矣。真艷麗人。胸中自有一段

志節。儘有故作情態。顛倒愚惑。相爲嗤笑。味羅敷

語氣。早已籠絡盡許多人醜態。然非最上根器最

上才識女

行者見羅敷，下擔捋髭鬚。

三字妙甚。可想不可說。

譚友夏云。想其

少年見羅敷，脫帽著綃頭。耕者忘

情態。忽發一笑。

其犁鋤者忘其鋤，來歸相怨怒。但坐觀羅敷。

一解但

坐二字。癡得妙。妙尤妙此

句。卽是相怨怒口中語音。使君從南來。五馬立踟

蹰。使君遣吏往，問是誰家姝。秦氏有好女，自名爲

羅敷。

覆說一遍。妙。譚友夏云。瑣瑣答語。減一字不妙。

羅敷年幾何。二十

尚不足十五。頗有餘。

譚友夏云。口角媚。搖擺語。態之妙。在一尚字。一頗字。

使君謝羅敷。寧可共載不。

述使君一語。形容羅敷其愚狀。如在目前。

前致辭。使君一何愚。

譚友夏云。愚字妙。罵使君自盡。勢力中淫橫一流。

有婦。

譚友夏云。自有婦三字。罵得不輕。

羅敷自有夫。

二解。名言。斷男女妄想。

却板甚。然又趣甚。

東方千餘騎。夫婿居上頭。

以下盛誇夫婿。妙妙。正以

絕使君之望也。一字不必對使君矣。比不樂宋王語。更省力。板人以爲性情不正矣。何用識

夫婿。白馬從驪駒。青絲繫馬尾。黃金絡馬頭。腰中

鹿盧劍。可值千萬餘。沒緊要。數來妙。十五府小史。二十朝

則古逸中韓憑妻
詩妾是庶人不樂
小玉

大夫三十侍中郎四十專城居爲人潔白晢

譚友夏云

女人情

深在此。鬢鬢頗有鬚。

細

盈盈公府步冉冉府中趣

出語溫然栗然

止說富貴還壓不定愚人情事

直說到文采韻致使人再動不得邪淫念頭使君

至此亦

當羞殺坐中數千人皆言夫婿殊

三解。皆言二字。橫甚驕甚。

譚友夏云。如

此結了妙甚。

妙在貞靜之情。卽以風流艷詞發之。艷亦

妨於正也。羅敷不特表貞。亦可謂善言情

矣。凡情到至處。必非淫

悍者所能。於此可想。

蘇伯玉妻

失其姓氏。伯玉被使在蜀。久而不歸。其妻居長安。思念之。因作詩寫之。盤

中。屈曲成文。故

云盤中詩也。

○○盤中詩

山樹高。鳥鳴悲。泉水深。鯉魚肥。空倉鵲。常苦饑。

六語

比興之體。最厚最遠。

譚

吏人婦。會夫稀。

忽入直語。胸中

友夏云。字字是女子口。

實是含蓄不得。

出門望見白衣。謂當是而更非。

徘徊徒信。含姿綿視。

望遠情懷。千百言寫不出者。只此數字寫出。非歷盡久別苦况。不能到。

還入門中心。

悲北上堂。西入階。急機絞杼聲。催長歎息。當語誰。

譚友夏云。妙在三字詩。却似數十字一句。無可斷續。

君有行。妾念之。出有日。

還無期。結巾帶。

閨房妙事。妙語。

長相思。君忘妾。未知之。

譚友

夏云。未知之。婉甚。棄甚。

妾忘君。罪當治。

語語自反。無一字責人。使負心男子讀之。

無地。妾有行。宜知之。黃者金。白者玉。高者山下者。

谷。

譚友夏云。女人對譚。略有不通。文理句法。其實奇絕。朴絕。鬆絕。在此。

姓者蘇。字伯。

玉。

上四句數得妙。此二句折得妙。

人才多。知謀足。

贊語亦自少。不

矣。

家居長安。身在蜀。何惜馬蹄歸不數。

譚友夏云。怨得溫。

羊肉千觔。酒百斛。令君馬肥。麥與粟。

婦人厨竈井。白語極風雅。

極哀怨。愈俚。近愈深婉。

今時人。知四足。與其書。不能讀。當從。

中央。周四角。

千古不識字。男子。被此女郎一語。輕薄。殆盡。四魚。角字。當音鹿。漢書注。

角里之角。亦此音。今人不得其讀。作角寫者。誤矣。

盤中詩。詩奇。事奇。想奇。高文妙技。橫絕千古。相如伯玉。不作負心事。不能發二婦之。

音然。必待詩成而後易慮。可謂鍾根。曰。才。人。有。情。吾。不。信。也。○譚友夏云。女。人。氣。幽。語。快。通。真。文。士。秀。士。者。當。以。此。為。第。一。○房。中。歌。非。婦。人。語。白。頭。吟。盤。中。詩。真。婦。人。語。然。皆。非。文。士。所。易。○此。詩。人。知。其。柔。秀。不。知。其。質。直。○婦。人。感。動。君。子。得。其。憐。悔。全。在。柔。婉。不。在。怨。怒。以。是。知。悍。婦。皆。愚。婦。也。

竇玄妻

玄字叔高。平陵人。形貌絕異。天子以公主妻之。舊妻為夫所棄。為書以別之曰。棄妻斥女。敬白。竇生。卑賤鄙陋。不如貴人。妾曰。以遠彼目。以親何所。控訴仰呼。蒼旻。悲哉。竇生。衣不厭新。人不厭故。悲不可忍。怨不可去。彼何人斯。而居斯處。并附以歌。

○古怨歌

熒熒白兔。東走西顧。

形容無告之狀。衣不如新人。可謂善於取喻。

不如故。

人惟求舊。器惟求新。翻作怨詩。情深宜妙。

唐姬

漢廢帝弘農王妃也。靈帝崩。子辯立。董卓廢之。置於閣上。使郎中令李儒進醢。王曰。

是欲殺我耳。不肯飲。強之。乃與姬及宮人飲。讌別。酒行。王悲歌曰。天道易兮。我何艱。棄萬乘兮。退守藩。逆臣見迫兮。命不延。逝將去汝兮。適幽玄。因令姬起舞。姬抗袖而歌。泣下。嗚咽。坐者皆歔歔。王謂姬曰。卿王者妃。勢不復為吏民妻。幸自愛。從此長辭。遂飲醢死。時年十八。姬歸潁川。父會稽太守。瑁欲嫁之。姬誓不許。及李確破長安。鈔關東。得姬。欲妻之。固不聽。而終不自明。尚書賈翊知之。白獻帝。帝感愴。迎姬置園中。使侍中持節拜為弘農王妃。

抗袖歌

皇天崩今后土頽。

如此慘事。真是天崩地頽。尤慘在女人聲口中說出。身為

帝兮命天摧。

身命兩字更痛。

死生異路兮從此乖奈何乳

獨兮心中哀。

心亂節促。并不知有悲哀在其中。

卓文君

臨邛富人卓王孫女也。姣好。眉色如望遠山。臉際若芙蓉。肌膚柔滑如脂。十七

而寡。為人放誕風流。好音樂。成都司馬相如。客游臨邛。飲卓氏。文君竊從戶窺之。心悅而好之。因以琴心挑之。乃亡。夜奔相如。與馳歸成都。及相如將聘茂陵人女為妾。文君作白頭吟以自絕。相如素有消渴疾。及還成都。悅文君之色。遂以痼疾。乃作美人賦。欲以自刺。而終不能改。卒以此疾至死。文君為之誄。

○白頭吟

皚如山上雪。皎若雲間月。聞君有兩意。故來相決

絕。一解。咄逼人。語。

生平共城中。何嘗斗酒會。

妙在無謂中。忽作此

想。

今日斗酒會。明旦溝水頭。

今日明旦字說。得歷歷可悲。

躑躑

御溝上。

躑躑二字。字感甚。

溝水東西流。

二解。怨詈中。

強為無情作。時雜謔浪。

郭東亦有樵。郭西亦有樵。

裂絕詞。每每說向不相。關切處。令人猛然一想。

不覺。感動。

兩樵相推與。

相推與在冷。眼中看出。

無親為誰驕。

三。淒。

妻復妻。妻嫁娶不須啼。

五字是婦人口中。語。女兒時則不然。

願得

一。

心人白頭不相離。

四解。初奔止。

愛相如之才。非必以其。文君此時為此語。若其。

為一心人也。然有寒賈夫。主平。欲到。今。命。也。然。才人亦自有情。

○其二

竹竿何嫋嫋。魚尾何筵筵。

生想都妙在用寬緩一着。

男兒重意。

氣何用錢刀為。

譚友夏云說得長卿文人愧死。不意卓王孫女胷中。乃有此一片。

虞姬歎項王只說意氣盡。文君絕相如亦只說重意氣。可見婦人死心在此。警動男子亦只在此。

齒如馬噉箕。川上高士嬉。今日相對樂。延年萬歲

期。

讀此結語想見其躁動無端。

譚友夏云有此妙口妙筆。真長卿快偶也。不奔何待。又云有一種極難為長卿語。

長卿不得不止。文君之奔與妬。生於才耳。如此方耐他妬。世上愚婦人如何妬得。

○司馬相如誄

嗟嗟夫子兮。亶通儒。

通儒二字。何等回護相如。不知回護相如。即是回護自家。

少好學兮。綜羣書。縱橫劍技兮。英敏有譽。

四字非文君聰

明心口。鑒括不盡。

尚慕往哲兮。更名相如。落魄遠游兮。賦

子虛畢爾壯志兮。駟馬高車。

窮達顯晦。兩言而盡。不煩司馬子長作傳

矣。於此數句。看出文君前詩男兒重意氣五字。移不得在他人身上。憶昔初好兮。雍

容孔都。憐才仰德兮。琴心兩娛。

琴心兩娛。說在憐才仰德上。淒涼黯

淡。却從歿後追想得出。使生前便說出。不惟自相矜諛。恐庸流婦女。亦借此爲口實。永托爲

妃兮。不耻當壚。

矜達處。在自家賣弄。

生平淺促兮。命也難扶。

長夜思君兮形影孤步中庭兮霜州枯雁鳴哀哀

兮吾將安如

到此不覺淒然淚下再想不得交情通體必和諧中夜相從別有誰等句

仰天太息兮抑鬱不舒訴此悽惻兮疇忍聽予

說到

人俱聽不得豈徒從相如及自己起見

泉穴可從兮願捐其軀

至此却有

死志不得槩目文君為淫奔一流

董份辯史通有云若相如自作本傳獨不為文君一少諱觀此則文君且不欲自諱相如如何為他諱得乃知千古英雄作事妍媸好醜總欲令後人共見何處着此妍汚之態

徐淑

秦嘉字士會隴西人也為邪郡上掾其妻淑寢疾還家不獲面別嘉作詩贈別云人

生譬朝露居世多屯蹇憂艱常早至歡會
嘗苦晚念當奉時役去爾日遙遠遣車迎
子還空往復空返省時情悽愴臨食不能
飯獨坐空房中誰與相勸勉長夜不能眠
伏枕獨展轉憂來如循環匪席不可卷別
後嘉作書遺之兼以明鏡寶釵芳香素琴
贈焉淑作書答之而眷念
之意懸望之情曲寫殆盡

答秦嘉

妾身兮不令

責備自身不令總在下嬰疾二字如奏疏中語以此答夫亦甚莊重嬰

疾兮來歸沈滯兮家門

家門上着沈滯二字便覺謙卑異順若驕悍女子豈

復能知

歷時兮不差曠廢兮侍覲情敬兮有違

情敬二字

何等虛懷何等欽想若說愛敬恭敬等字便膚淺極矣

君今兮奉命遠邇兮

京師

不曰迢迢而曰遠通出脫熟字法也

悠悠兮離別無因兮敘懷

瞻望兮踴躍佇立兮徘徊

踴躍徘徊旋興旋止懷人望遠託想如是

思

君兮感結夢想兮容暉君發兮引邁去我兮日垂

恨無兮羽翼高飛兮相追長吟兮永歎淚下兮沾

衣

劉子玄史通云東漢一代賢明婦人如徐氏合動禮儀言成規矩毀形不嫁哀慟傷生此才德兼美者也董祀妻蔡氏載誕胡子受辱虜廷文詞有餘節槩不足此言行相乖者也蔚宗後漢傳標列女徐淑不齒而蔡琰見書欲使彤管所載將安準的鍾叅軍詩品云漢上計秦嘉之妻徐淑詩夫妻事既可備為五言者不過數家而婦

人居二徐淑敘別
之作亞於執扇矣

附答秦嘉書

知屈珪璋應奉歲使策名

王府觀國之光雖失高素皓然之業亦是

仲尼執鞭之操也自初承問心願東還迫

疾未宜抱歎而已日月已盡行有伴列想

嚴裝已辦發邁在近誰謂宋遠企予望之

室適人遐我勞如何深谷逶迤而君是涉

高山巖巖而君是越斯亦難矣長路悠悠

而君是踐冰霜慘裂而君是履身非形影

何得動而輒俱體非比目何得同而不離

于是詠萱草之喻以消兩家之思割今者

之恨以待將來之歡今適樂土優游京邑

觀王都之壯麗察天下之珍妙得無目玩

意移往而不能出耶

再答書

既惠令旨兼賜諸物厚顧殷勤

出於非望鏡有文彩之麗釵有殊異之觀

芳香旣珍，素琴益好，惠異物於鄙陋，割所珍以相賜，非豐恩之厚，孰肯若斯？覽鏡執釵，情想髣髴，操琴詠書，思心成結，勅以芳香，馥體喻以明鏡鑒形，此言過矣。未獲我心也。昔詩人有飛蓬之感，婕妤有誰榮之歎，素琴之作，當須君歸，明鏡之鑒，當待君還，未奉光儀，則寶釵不列也。

蔡琰

字文姬，邕之女也。博學有才辨，又善鼓琴，爲離鸞別鶴之操。漢末大亂，胡虜犯中原，文姬爲胡騎所獲，在左賢王部，伍中入番，爲王后，王甚重之。春月登胡殿，感茄之音，作詩言志，在胡中十二年，生二子。魏武帝痛邕無嗣，乃遣使以金璧贖之，而重嫁陳留董祀。後感傷離，追懷悲憤，作詩二章。

胡笳十八拍

我生之初尚無爲我生之後漢祚衰

開口二句。便說我生。甚有

關係。不怨而怨在其中。

天不仁今降亂離地不仁今使我逢

此時干戈日尋今隨路危

尋字說得怕人。

民卒流亡今共

哀悲

共字。含有譏諷意在。

烟塵蔽野今胡虜盛志意乖今節

義虧

節義虧玷。只在志意乖睽上。可見志意要緊。

對殊俗今非我宜

傷情

語。初不說盡。蓋宛折處一盡。則直而無味矣。

遭惡辱今當告誰

惡辱二字。情毒。

笳一會今琴一拍心憤怨今無人知

此處着一憤字。固非他人

所知。

其二

戎羯逼我。今爲室家。將我行。今向天涯。讀此句有不能自爲

張主意傷心薄命。歷亂情形。雲山萬重。今歸路遐。疾風千里。今

揚塵沙。人多暴猛。今如虺蛇。控弦被甲。今爲驕奢。

驕奢二字。酷盡戎羯暴猛。好鬪情狀。兩拍張絃。今絃欲絕。志摧心折。

今自悲嗟

試以此中情景。設身處地。使紅顏弱質。慷慨其間。有少分干涉否。知此則不當責文姬以死也。

其三

越漢國。今入胡城。亡家失身。今不如無生。失身二字從文

姬口中說出。志意節義。亦明明。自家曉得。只是無可奈何耳。羶裘爲裳。今骨肉。

震驚。

震驚着骨肉上說。頑質亦自驚動。

羯羶爲味。今柱過我情。

柱過

我情。卽逐物意移也。可以錯情。易性。則飲之食之。亦非細故。

鞞鼓喧。今從夜達。

明。胡風浩浩。今暗塞營。傷今感昔。今三拍成。銜悲。

畜恨。今何時平。

銜悲畜恨四字。文姬一生。總脫不得。

其四

無日無夜。今不思我鄉土。稟氣含生。今莫過我敢。

苦。

說到稟氣含生。不覺痛切。大抵閱歷險難人。其聰明知識。原與常人不同。蓋天之處人。與人之

自處。總有迫切不可堪處。賁情飲恨而已。若使愚蠢輩遭之。亦不自知矣。天災國亂人。

無主

只此一句可知文姬胸中何等念頭。決非從一身患難上起見。

唯我薄命兮

歿我虜。殊俗心異兮身難處。嗜慾不同誰可與語。

可字便是。不令時宜。

尋思涉歷兮多艱阻。

如此涉歷亦何堪尋思。

四拍

成兮益悽楚。

其五

鴈南征兮欲寄邊聲。鴈北歸兮爲得漢音。

欲寄二字痛楚。

爲得二字激切。

鴈飛高兮邈難尋。空斷腸兮思惓惓。攢眉

向月兮撫雅琴。

攢眉猶向月撫琴。哀苦中忽作無聊事。瑣瑣道出。豈是尋常女子襟懷。

五拍冷兮意彌深。

此章不敘胡事。而聲思益不自禁。苦在鴈飛高。今邈難尋句。一跌宕耳。

其六

冰霜凜凜。今身苦寒。饑對肉酪。今不能餐。

明是饑寒兩字

相連。却截作兩句。兩不相蒙。古人句法。文法之奇。變也。雖作者未必如此。用意然後人不得不看。作如此。總是要知。用字生熟之妙。夜聞隴水。今聲嗚咽。朝見長城路。

杳漫。

疊用朝暮饑寒字。俗筆則露出板腐對偶。此却不與。可以知古人詩文身分。

追思

往日。今行李難。六拍悲來。今欲罷彈。

其七

日暮風悲。今邊聲四起。不知愁心。今說向誰。

是直語苦

語讀之總欲聲咽。

原。埜。蕭。條。兮。烽。戍。萬。里。俗。賤。老。弱。兮。少。

壯。爲。美。逐。有。水。草。兮。安。家。葺。壘。牛。羊。滿。埜。兮。聚。如。

蜂。蟻。艸。盡。水。竭。兮。羊。馬。皆。徙。

說得禽獸艸木皆怨苦難堪。更不必說向

情事上去矣。

七。拍。流。恨。兮。惡。居。於。此。

哀恹悽惻中。忽掉出四字。其中深淺

之言。一時含糊不住。

寫盡邊愁。即雄心猛氣人。一齊淚下。即李益詩所謂不知何處吹蘆管。一夜征人盡

望鄉也。

其八

爲。天。有。眼。兮。何。不。見。我。獨。漂。流。爲。神。有。靈。兮。何。獨。

處我天南海北頭

獨字處我字皆堪涕淚

我不負天兮天何

配我殊匹儔我不負神兮神何殛我越荒州製斯

八拍兮擬俳優

擬托非倫激昂感歎所謂長歌甚於痛哭耳

何知曲成

兮心轉愁

兩對截然却作平平怨語雜長詩中只作過脉不必論其工拙與否

其九

天無涯兮地無邊我心愁兮亦復然

味其語氣說之又說只無

可告訴意不知其言之贅

人生倏忽如白駒之過隙愁不得歡

樂兮當我之盛年怨兮欲問天

痴情痴語忽結逗出

天蒼蒼

今上無緣舉頭仰望今空雲烟九拍懷情今誰與傳

至此殊覺亂亂不整。哀云慘淡切切欲語非歷盡楚毒便不欲竟其詞。

其十

城頭烽火不曾滅，疆場征戰何時歇。殺氣朝朝衝塞門，胡風夜夜吹邊月。
四句極似唐音。故鄉隔兮音塵絕，哭無聲兮氣將咽。一生辛苦緣離別，十拍悲深兮淚成血。

其十一

我非貪生而惡死，不能捐身。今心有以生，仍冀得

今歸桑梓。

只為桑梓二字，便忍耻偷生。所謂患主於有欲。

死當埋骨長已

矣。

死後尚欲歸鄉里。只為看得自家身子重，值不得一死。

日居月諸，今在戎

壘。胡人寵我，今有二子。

到此諱不得矣。字反有感恩知己意。然亦

寵我二

真實念頭。一毫假不得。

掬之育之，今不羞耻。愍之念之，今生

長邊鄙。

愍念在生長以前，即悔已生此胡種也。不說向二子上，味其語氣得之。

十有

一，拍今因茲起哀嚮，纏綿今徹心髓。

其十二

東風應律，今暖氣多。知是漢家天子，今布陽和。

歸美

漢家天子。便是義不忘君之念。羗虜舞蹈。今共謳歌。兩國交懽。今

罷兵戈。忽遇漢使。今稱近臣。詔遣千金。贖妾身。喜

得生還。今逢聖君。嗟別稚子。今會無因。十有二拍

兮哀樂均。哀樂均是分不得輕重也。去住兩情今

難具陳。去住兩情。益知怨恨難平。總之其身不能

處境。所以尤慘毒也。

其十三

不謂殘生。今却得旋歸。不謂二字。有無限欣喜過

望意。而情思橫生。哀痛惻在此。亦只撫抱胡兒。今泣下沾衣。漢使迎我。今四牡

駢駢胡兒號，今誰得知與我生死。今逢此時愁爲子，今日無光輝焉得羽翼。今將汝歸一步一遠，今足難移。一遠一字。魂銷影絕，今恩愛遺十有三拍。渺渺無端。今絃急調悲肝腸，擾刺今人莫我知。

其十四

身歸國，今兒莫之隨。心懸懸，今常如饑。四時萬物，今有盛衰。唯有愁苦，今不暫移。山高地濶，今見汝無期。更深夜闌，今夢汝來。斯夢中執手，今一喜一悲。畫出雨般行徑。覺後痛吾心，今無休歇時。十有四拍，今

涕淚交垂。河水東兮。心是思。

心是思。何從分貼出。然明是兩件。卽憂思

中。復着數重萬重意。

其十五

十五拍兮。節調促。氣填胸兮。誰識曲。

每每說向樂節上去。反把

幽思說向外來。文姬蓋從胡笳寫怨。非寫怨入胡笳聲中也。古人立詩之意。不肯埋沒。

處穹

廬兮。偶殊俗。願得歸來兮。天從欲。再還漢國兮。歡

心足。心有懷兮。愁轉深。日月無私兮。曾不照臨。子

母分離兮。意難任。同天隔越兮。如參商。生死不相

知兮。何處尋。

其十六

十六拍兮思茫茫，我與兒兮各一方。日東月西兮

徒相望。

即日月相望語增東西字。徒字不覺逗出悲感。

不得相隨兮空斷

腸。對萱草兮憂不忘，彈鳴琴兮情何傷。今別子兮

歸故鄉。舊怨平兮新怨長。

怨分新舊。只從平字長字看出。

泣血仰

頭。今訴蒼蒼。

不欲人見此情景故欲仰頭以覆泣血。

胡爲生兮獨懼

此殃。

其十七

十七拍兮心鼻酸，關山阻修兮行路難。去時懷土

今心無緒來時別兒今思漫漫塞上黃蒿今枝枯
葉乾沙場白骨今刀痕箭瘢風霜凜凜今春夏寒
人馬饑虺今筋力單隨意說出自然可傷豈知重得今入長
安歎息欲絕淚闌干

如此一叙不知如何作想但覺怨氣填胸不能直直念過

其十八

胡笳本自出胡中絲琴翻出音律同十八拍今曲
雖終響有餘今思無窮是知絲竹微妙今均造化
之功說得鄭重知八音相爲終始苟且不哀樂各
得若變入淫響則有鄭衛之譏矣

隨人心。今有變則通。

知音識曲爲樂方。不特有變則通。抑且無微不徹矣。胡

與漢今異域殊風。天與地今子西母東。若我怨氣

今浩於長空。六合雖廣。今受之應不容。

曰受之矣。又曰應不

容。反覆籌度。若必然之辭。不特謂想如此。其怨筆肆布。亦應瀾漫無際。

十八拍翻作變聲。激揚宛宕。曼聲急節。不

必審音辨調。而情思迷離。悲寫獨弔。悽愴

動人。譬之聽哀猿征雁。卽無激于中。亦不

能不爲之下淚也。叠說複說。側說直說。

緩說急說。雖入一已情事。而家國華夷之

故。種種有不敢道處。故淺深吞吐。抑揚排

宕。愈覺憤懣不平矣。句句用。倒用法。句

句用。緊接法。宛約綿動。聲情黯黯。略無縕

籍。羞澁之態。想其變調。亦欲破盡閨閣脂

粉。氣然妙處。似琴中語。文姬寫情入調。

其文詞正不須宛曲。如文章入聖處。只直
直數行。却似點不斷句。要指何句爲佳。不
得。何句爲不佳。亦不可得也。

○悲憤詩

漢季失權。柄董卓亂天常。志欲圖篡弒。先害諸賢。

良。

譚友夏云。此一語說盡亂賊本領。見女人習中
經濟。○首四句是悲憤之原。有來歷。有心。

逼迫遷舊邦。擁主以自疆。

女人亦下此鍊案語。海內興義師。

欲共討不祥。

不祥罵董卓。憤直之氣。已在言外。

卓衆來東下。金申

耀日光。平土人脆弱。來具皆胡羌。獵野圍城邑。所

向悉破亡。斬斷無孑遺。尸骸相掌拒。馬邊懸人頭。

馬後載婦女

譚友夏云寫亂危如在目前。子美詩多如此。

長驅西入關。

迥路險且阻。還顧邈冥冥。肝脾為爛腐。所略有萬

計。不得令屯聚。或有骨肉俱。欲言不敢語。

看不得說不得

却又不敢看。不敢說所謂一身尚且周置不來。況其他乎。

失意幾微間。

譚友夏云看事

細。輒言斃降虜。要當以亭刃。我曹不活汝。

述他一語。已自

不堪。豈復惜性命。不堪其詈罵。

譚友夏云讀書人恥辱之言。

或便

加捶杖。毒痛參并下。旦則號泣行。夜則悲吟坐。

夜尚

悲吟而坐。怨毒呻吟。如聞其聲。如見其人。

欲死不能得。欲生無一可。彼

蒼者何辜。乃遭此厄禍。邊荒與華異。人俗少義理。

處所多霜雪，胡風春夏起。翩翩吹我衣，蕭蕭入我

耳。感時念父母，哀歎無窮已。有客從外來，聞之常

歡喜。迎問其消息，輒復非鄉里。譚友夏云：似唐人客中妙語。邂逅

逅微時，願骨肉來迎已。已得自解免，當復棄兒子。

以下只言母子別離之苦。娓娓不休。天屬綴人心。若忘却入胡之辱者，不言更自傷。

譚友夏云：女人語學問語。講出一段大道理，却只櫟括一句。沈深細密。在文人中，非靈慧一流人。

畢世不能道也。念別無會期，存亡永乖隔。不忍與之辭。譚友

夏云：自此以下，母子依依苦語，若境全付之筆墨。覺少一語不慘。叙亂離聚散，詳至反覆，極真而

苦。老杜新婚垂老無家兒，前抱我頸問母欲何之。
彭衛北征諸長篇本此。

人言毋當去。

譚友夏云人言慘甚。

豈復有還時。阿母常仁惻。

今何更不慈。我尚未成人。奈何不顧思。

述兩相怨訴聲口呢。

呢。啐啐。哀哀戀戀。有心人。安得不痛。

見此崩五內。恍惚生狂癡。號泣

手撫摩。當發復回疑。

當想他此處。自母子分散。外別有一肚苦。○到臨別反覺。

猶豫不決起來。去住兩情。舉步不得。惜別時真境。

兼有同時輩。相送告別。

離別慕我獨得歸。

此處著一幕字。益覺苦甚。

哀叫聲摧裂。馬爲

立踟躕。車爲不轉轍。

情事哀慘。感動車馬。非止文字形容如此。離別人到極苦。

處。車馬無色。安得謂之無情。

觀者皆歔歔。行路亦嗚咽。去去割

情戀。遄征日遐邁。悠悠三千里。何時復交會。念我

出腹子。

母子別離未已。忽插入同輩相送一段。刺

母子二字。若忘却。又若記起。潰亂潦倒。語次酷像。

胃臆為摧敗。既至家人

盡。又復無中外。

譚友夏云補得好。至此截然一轉。將瑣碎語。叙歸後事。前後絕不

相犯。此便作長詩有力量處。

城郭為山林。庭宇生荆艾。白骨不

知誰從橫。莫覆蓋。出門無人聲。豺狼號且吠。笑

對孤景。怛咤糜肝肺。登高遠眺望。鬼神復忽逝。奄

若壽命。盡旁人相寬大。

每每叙述痛心語。却從傍人看出。令人回想不得。

為復彊視息。雖生何聊賴。託命於新人。竭心自勗

厲。

一語可為才色女人失身事二夫之戒。他日流涕請董祀之死。亦只是體貼此語。

流離。

成鄙賤常恐復捐廢歷盡險難生出許多戒懼苦心語真語人生幾

何時懷憂終年歲。

譚友夏云一副經史胃中一雙古今明眼作此辱事讀其所自言又覺不忍鄙之反

添憐惜而已五言古長詩雖漢人亦不

易作惟悲憤詩及廬江小吏妻耳二詩之

妙亦略相當妙在詳至而不冗漫變化而

不雜亂斷續而不碎脫若有意若無意若

無法又若有法惟老杜頗優爲之元白長

詩人病其無法拖沓可厭不知實本於此

特其力疲

而體率耳

其二

嗟薄祐兮遭世患宗族殄兮門戶單身執略兮入

西關歷險阻兮之羗蠻山谷眇眇兮路漫漫眷東

顧兮但悲歎真當食兮不能安饑當食兮不能餐

常流涕兮背不乾薄志節兮念死難文姬辱於胡只是畏死前

云欲死不能得猶是節雖苟活兮無形顏苟活人

詞此句却露出真情顏耳說到無形知此身亦虧玷惟彼方兮遠陽精無用處痛心中自悔自塊之言

陰氣凝兮雪夏零沙漠壅兮塵冥冥有草木兮春

不榮人似禽兮食臭腥言甕離兮狀竊停二字形容得奇

幻猙獰歲聿暮兮時邁征夜悠長兮禁門扇不能

寐兮起屏營厭苦窘迫登胡殿兮臨廣庭玄雲合

今翳月星北風厲今肅泠泠胡笳動今邊馬鳴孤

雁歸今聲嚶嚶樂人與今彈琴箏音相和今悲且

清心吐思今習憤盈欲舒氣今恐彼驚如此抑鬱亦何知生

之可含哀咽今涕沾頸家既迎今當歸寧臨長路

今捐所生兒呼母今啼失聲我掩耳今不忍聽追

持我今走煢煢追持句寫得頓復起今毀顏形此無

决裂念頭便終還顧之今破人情譚友夏云頓復起還顧之光景

身胡地妾矣戰心怛絕今死復生

文姬胡笳十八拍與此首同是七言而淺深雅俚老稚望而知其不侔矣余嘗謂十

人拍非文姬筆。卽以此一首定之。然評次名媛詩。却又不能恣然置之。蓋亦姑存。勗調以備體耳。卽使古人擬作。亦不可廢。

崔氏女

盧克者。范陽人。家西三十里。有少府墓。克一日獵。見一麋。舉弓射。卽中麋。倒而復起。克逐之。不覺遠。忽見里門如府舍。中有一鈴下。克前問。答曰。少府府也。克曰。我衣惡。那得見貴人。卽有人提襖新衣迎之。克着盡可體。便進見。展姓名。酒炙數行。崔曰。近得尊府君書。爲君索小女婚。故相延耳。卽舉書示克。克見父手迹。便歔歎無辭。崔卽勅內令女郎裝嚴。使克就東廊。婦立席頭。共拜爲夫婦。三日。見崔曰。君可歸矣。女有娠。生男。當相還。勅外嚴車送客。崔執手零涕。離別之感。無異生人。克便上車去。如電逝。須臾至家。家人相見。推問。知崔是亡人。而入其墓。居四年。三月。臨水戲。忽見

一犢車乍沒、既上岸、克見崔氏、與三歲兒共載、克欣然欲捉其手、女指後車曰、府君見人、卽見少府。克徃問訊、女抱兒還、克又與金盃、并贈詩、克取兒盃、及詩、忽不見、二車處將兒還、四座謂是鬼魅、僉遙睡之、問兒誰是、汝父兒逕就克、懷衆傳省其詩、慨然歎死生之玄通也、克詣市賣盃、冀有識者、歛有老婢、問克得盃之由、還報其大家、卽女姨也、謂克曰、我姨姊崔少府女、未嫁而亡、家親痛之、贈一金盃、著棺中、今視卿盃甚似、本末可得聞否、克以對、姨卽迎兒、兒有崔氏狀、姨曰、我舅甥三月末、闌產、父曰、春暖溫也、願歸休也、卽字溫、休蓋幽婚也、其兆先彰矣、兒遂成爲令器、歷數世貴顯、

○贈盧克

煌煌靈芝質，光麗何猗猗。華艷當時顯，嘉異表神

奇。

二語簡重。而志質貞幽。不似世人浮濁。

含英未及秀。

此亦是傷懷語。

中夏

罹霜萎，榮曜長幽滅。世路永無施，不悟陰陽運。哲

人忽來儀。

表出求配事。并非玄感幽通立言正大。

會淺離別速，皆由

靈與祗。何以贈余親，金盃可願兒。

可住。

愛恩從此別，

斷絕傷肝脾。

譚友夏云：漢魏古詩，幽冥中何得有此筆硯。

真中何影直此華野是鬼魅公選明之問
點文夏云冀縣古義幽懷泉得者其志

猶絲對孤朝

死生之玄通也克詣事實益其有識
有老嫗問克得從之由還報其大

靈與否

何以韻余錄金盤何則良耳
其愛恩外此限

人忽來對

潮幽風立言五大不
素出來酒事并非玄
會茲難限表背由

對露萎榮

對弄幽趣世紐永無敵不
對創對聖世

音

幽不以世入我賦
二語簡重而志實貞
含英未久衣
對對語
此亦具
中夏

對對靈芝

寶光蠶何辭辭華體當執
對嘉異表轉

名媛詩歸卷之三日錄

魏

甄皇后

塘上行

王宋

雜詩
二首

孟珠

陽春歌
三首

晉一

左貴嬪

豕木詩

答兄感離詩

謝道韞

登山

擬嵇中散詠松

桃葉

團扇歌
三首

團扇郎

辛氏

元正詩

王氏

正朔

綠珠

懊儂歌

翔風

怨詩

謝芳姿

團扇歌

二首

茗華

宛轉歌

二首

杜蘭香

贈張碩詩

復贈張碩

李夫人

定情聯句

子夜

名媛詩子夜歌二十七首

景陵鍾 惺伯敬點次

魏

甄皇后

皇后中山無極人明帝母也九歲喜書

博士耶后答曰觀古者賢女未及不覽前

世成敗為戒者不知書何謂見之矣

據鄭為中子無納焉及曹操破魏文帝

納為夫人後為郭后所廢賜死

追慕文昭皇后也魏書有司奏定

郭后之典所以示後世

不

不

目次

畢

名媛詩歸

卷三

茗華

定轉歌

杜蘭香

贈張碩詩

復贈張碩

李夫人

定情聯句

子安齊燭

二十首

名媛詩歸卷之三

景陵鍾惺伯敬點次

魏

甄皇后

皇后中山無極人明帝母也九歲喜書

博士耶后答曰觀古者賢女未有不覽前世成敗爲已戒者不知書何繇見之袁紹據鄴爲中子熙納焉及曹操破紹文帝私納爲夫人後爲郭后所譖賜死明帝卽位追謚文昭皇后也魏書有司奏建長秋宮帝璽書迎后請行在所后上表稱謝曰妾聞三代之興所以享國長久垂祚後嗣無不繇后妃焉故必審選其人以興內教今踐祚之初誠宜登進賢淑統理六宮妾自省愚陋不任榮盛之事加以寢疾敢守微

志璽書三至、而后
三讓、言甚懇切、

○塘上行

蒲生我池中

我字親昵有情

其葉何離離、傍能行仁義。

譚友

夏云此處安仁義奇

莫若妾自知、

令媛自知之言而不得他假作忠厚宛面紅

衆

口鑠黃金使君生別離。

使君二字妙於憂讒

念君去我時、獨

愁常苦悲。想見君顏色、感結傷心脾、念君常苦悲、

夜夜不能寐、莫以賢豪故、棄捐素所愛。

譚友夏云好在此句

放在前無今人繇淺入深之說便是樂府矣

莫以魚肉賤、棄捐蔥與薤。

莫以麻枲賤、棄捐菅與蒯、出亦復苦愁、入亦復苦

愁。繁絮語。從極苦極。邊地多悲風。樹木何脩脩。從軍致獨

樂。延年壽千秋。反說開了。樂府多如此。

婉朴有漢樂府遺言

王宋

平虜將軍劉勲妻也。宋嫁勲二十餘年後勲悅山陽司馬女以宋無子出之還於道中賦詩自傷

○雜詩

翩翩牀前帳張以蔽光輝

五字有善自歛退意。語深而不露。

昔將

爾同去。今將爾共歸。

只淺淺說來。亦覺淒楚。

緘藏笥筐裏當

復何時披。

○其二

誰言去婦薄。去婦情更重。千里不唾井。况乃昔所

奉。

堅正本其質近自然。謹細非才識練達。望遠未

爲傷蹶。脚不得并。

深微委曲處。更不必說出。卽其綿婉溫細。聲口。亦可微其情性

矣。

其意旨亦不欲令人甚明。故語甚輕約了。不及怨恨之端。

孟珠

丹陽人

○陽春歌

陽春二三月。草與水同色。

妍動入情。顧虎頭神情詩。無此秀句。道逢

遊冶郎恨不早相識

知恨不早三字是心口
付量之詞便非淫橫

○其二

陽春二三月。草與水同色。攀條摘香花。言是歡氣。

息。

卽含詞未吐。氣若香
蘭意。卻翻得靈活。

○其三

望觀四五年。實情將懊惱。願得無人處。回身與郎。

抱。

譚友夏云太妖矣。然旣已有情
何必諱其妖。妙在不故作羞態。

幽深澹宕皆自無意
中作想。樂府妙手。

晉

左貴嬪

名芬。兄思。芬少好學，善綴文，名亞於思。武帝聞而納之。泰始八年，拜修儀，受詔

作愁思之文，因為離思賦。後為貴嬪，姿陋無寵，以才德見稱。體羸多患，常居薄室。帝每游華林，輒回輦過之。言及文義，辭對清華。左右侍聽，莫不稱美。及元皇后楊氏崩，芬獻誄。咸寧三年，納悼后，芬於坐受詔作頌。帝女萬年公主薨，帝痛悼不已，詔芬為誄。其文甚麗。帝重芬辭藻，方物異寶，必詔芬為賦頌。屢獲恩賜焉。芬兄詩書及雜賦數十篇，竝行於世。

○啄木詩

南山有鳥，自名啄木。

譚友夏云：自名趣甚。與可憐鳥，白鳥。強言知天曙，亦趣在

強言。字。饑則啄樹，暮則巢宿，無干於人。惟志所欲。

岸然

自命。不屑。惟清者榮。惟濁者辱。譚友夏云。淑女之爭言競寵。

問中出。○從性中分清清濁。從清濁分榮辱。大賢明悟根本語。妙在說得斬截。

咏物詩。說性情。妙矣。却又以明達語。與物理印證。唯杜工部詩。獨擅其美。不知原本

實在此。

○答兄感離詩

自我離膝下。倏忽踰載期。邈邈情彌遠。

人別不堪深懷離情

中有此。再奉將何時。披省所賜告。尋玩悼離詞。彷彿

想容儀。歔歔不自持。何時當奉面。

只如書札中通套語。寫來入詩。

質而妙。娛目於詩書。何以辨厥苦。告情於文辭。

告情二字。

典
奧。

至親感離。一言不及其他。止說向詩書上
邊去。想見太冲兄妹。淹雅沈博之氣。卽閨
門之內。亦以著
書立言爲已任。

附元皇后誄。○惟泰始十年秋七月景寅。
晉元皇后楊氏崩。嗚呼哀哉。昔有莘適殷。
姜妣歸周。宣德中闈。徽音永流。樊衛二姬。
匡齊翼楚。馬鄧兩配。亦毗漢主。我我元后。
光嬪晉宇。伉儷聖皇。比蹤往古。遭命不永。
肯陽卽陰。六宮號咷。四海慟心。嗟予鄙妾。
銜恩特深。追慕亡良。甘心自沉。何用存思。
不勞德音。何用紀述。託辭翰林。乃作誄曰。
赫赫元后。出自有楊。奕世朱輪。耀彼華陽。
惟嶽降神。顯茲禎祥。篤生英媛。休有烈光。
合靈握文。異于庶姜。和暢春日。操厲秋霜。
疾彼攸遂。執此義方。率繇四教。容德匪荒。

行用六親、徽音顯揚、顯揚伊何、京室是臧、
乃聘乃納、聿嬪聖皇、正位閨闈、惟德是將、
鳴佩有節、發言有章、仰觀列圖、俯覽篇籍、
顧問女史、咨詢竹帛、思媚皇姑、虔恭朝夕、
允釐中饋、執事有恪、於禮斯勞、於敬斯勤、
雖曰齊聖、邁德日新、日新伊何、克廣弘仁、
終溫且惠、帝妹是親、經緯六宮、罔不彌綸、
拏妾惟仰、辟彼良辰、亦旣青陽、鳴鳩告時、
躬執桑曲、率道樓姬、修成蠶叢、分蠶理絲、
女工是察、祭服是治、祗承宗廟、永言孝思、
于彼六行、靡不蹈之、皇英佐舜、塗山翼禹、
惟衛惟樊、二霸是輔、明明我后、異世同矩、
亦能有亂、謀及天府、內敷陰教、外毗陽化、
綢繆庶政、密勿宿夜、思從風翔、澤隨雨播、
中外祉福、遐邇咏歌、天作貞吉、克昌克繁、
則百斯慶、育聖育賢、教諭姪娥、訓邁姜嫄、
堂堂太子、惟國之元、濟濟南陽、爲屏爲藩、
本枝晻靄、四海蔭焉、微斯王妣、孰茲克臻、

曰乾蓋聽。曰聖允誠。積善之常。五福所并。
宜享高年。匪隕匪傾。如彭之齒。如聃之齡。
云胡不造。丁茲禍殃。寢疾彌留。寤寐不康。
巫咸騁術。和鵠奏方。祚福無應。嘗藥無良。
形神將離。精氣載荒。奄忽崩殂。湮精滅光。
哀哀太子。南陽繁昌。攀援不寐。躄踊摧傷。
嗚呼哀哉。闔宮號咷。宇內震驚。奔者填衢。
赴者塞庭。哀慟雷駭。流淚雨零。歔歔不已。
若喪所生。惟帝與后。契闊在昔。比翼白屋。
雙飛紫閣。悼后傷后。早卽奄安。言斯既及。
涕泗隕落。追念我后。實聰實哲。通于性命。
達于儉節。送終之禮。比素上世。隧無珍瑤。
嗒無明玦。潛輝梓宮。永背昭晰。臣妾哀號。
同此斷絕。庭宇遏密。幽室增陰。空設幃帳。
虛置衣衾。人亦有言。妙道難尋。悠悠精爽。
豈浮豈沉。豐奠日陳。奠魂之臨。孰云元后。
不聞其音。乃議景行。景行以益。乃考龜筮。
龜筮襲吉。爰定宅兆。克成玄室。魂之往矣。

於以今日、仲秋之辰、啓明始出、星陳夙駕、
靈輿結駟、其輿伊何、金根玉箱、其駟維何、
二駟商黃、習習容東、朱服丹裝、隱隱轡軒、
弁經總裳、華轂曜野、素蓋被原、方相伋伋、
旌旗翻翻、輓童引歌、白驥鳴轅、觀者夾塗、
士女涕漣、千乘萬騎、迄彼峻山、峻山峩峩、
曾阜重阿、弘高顯敞、據洛依河、左瞻皇后、
右涕皇家、推存撥亡、明神所嘉、諸姑姊妹、
姊妹媵御、追送塵輕、號跳衢路、王侯卿士、
雲會星布、群官庶僚、縞蓋無數、咨嗟逼夜、
東方云曙、百祇奉迎、我后安厝、中外俱臨、
同哀共慕、涕如漣雨、淚如湛露、局閨旣闔、
窈窕冥冥、有夜無晝、曷用其明、不封不樹、
山坂同形、昔后之崩、大火西流、寒往暑過、
今亦孟秋、自我銜卹、儵忽一周、夜服將變、
痛心若抽、逼彼體制、惟以增憂、去此素衣、
結戀靈丘、有始有終、天地之經、自非三炁、
誰能不零、存播令德、沒圖丹青、先哲之志、

以此爲榮。溫溫元后，實宣慈焉。撫育群生，恩惠滋焉。遺愛不忘，永見思焉。懸明日月，垂萬春焉。嗚呼庶妾，感四時焉。言思言慕，涕淚濡焉。

萬年公主誄。昔滿衣早智，周晉夙成。咸以岐嶷，名存典經。猗歟公主，在幼尅哲。方德止齒，有邈先列。何德之盛，而年或闕。何華之繁，而實不結。雨墜風逝，形影長滅。赫京室，河洛所經。陰精發曜，降茲淑靈。篤生公主，誕膺休禎。秀出紫微，日暉月明。旣睇豔姿，徽音孔昭。盼舊其媚，婉曼其嬌。寵玩軒陛，如瓊如瑤。雖則弱齒，雙德兼苞。五福所集，聞之先民。積善鍾慶，怙德輔仁。宜終淑美，光暉日新。云何降戾，景命不振。曄曄榮曜，英蕤始芳。何辜於天，猥遇降霜。煢煢雅鳧，飄飄遐翔。於戲何辜，痛茲不福。生而何脫，歿而何速。酷矣皇靈，謬哉司祿。嗚呼哀哉，日月載馳。白露凝結，自主薨徂。奄

離時節、吉凶乖邈、存亡異制、將遷幽都、潛
神永翳、嗚呼公主、竟豈是綏、岌岌霧轡、駿
駟駢駢、挽童齊唱、悲音激摧、土女歔歔、高
風增哀、一日不見、採蕭作歌、况我公主、形
滅體訛、精靈遷逝、出此中
阿、言思言念、念淚滂沱、

納楊后賀○清和協極、二儀降霧、啓茲楊
族、仁哲誕生、徽音內發、有馥其馨、玄符表
運、作合聖明、文定厥祥、攷卜惟貞、良辰納
幣、三光朗清、元先執贄、嘉禮告成、卿士庶
僚、爛其克庭、赫赫華宗、奕世載榮、謙光
其等、在滿戒盈、受茲介福、垂祚億齡、

謝道韞

東晉安西將軍謝奕女、左將軍王凝妻
也、聰識有辯、叔父安石內集與兒女講

論文義、俄而雪驟下、公欣然倡曰、大雪紛
紛、何所似、安兄子朗曰、撒鹽空中、差可擬、
道韞曰、未若柳絮因風起、安大悅、世稱
謝庭聯句、韞所作詩賦、誄頌、並傳于世、

○登山

峨峨東嶽高，秀極冲青天。巖中間虛宇，寂寞幽以

玄。非工復非匠，雲構發自然。氣象爾何物，問得作怪。○譚

友夏云可謂驚人句。謝家男子恐未得有此。遂令我屢遷。我屢遷。非屢遷我也。情性

正定。即目前變幻。不足以亂之。故微隱言之。其理自足。逝將宅斯宇，可以盡

天年。

、擬嵇中散詠松

遙望山上松，隆冬不能彫。願想遊下憩，瞻彼萬仞

條。騰躍未能升，頓足俟王喬。時哉不我與，大運所

飄飄

雅靜無囂煩之氣。正以擬似爲工。

桃葉

王獻之妾也。獻之歌曰。桃葉復桃葉。渡江不用楫。但渡無所苦。我自來迎接。桃葉遂

答團扇

歌三首

團扇歌

七寶畫團扇。燦爛明月光。與郎卻暄暑。相憶莫相

忘

情思甚正。

○其二

青青林中竹。可作白團扇。動搖郎玉手。因風托方

便。十字中有無限感恩托愛念頭。

○其三

團扇復團扇，許持自障面。許持二字溫然。與可作語意略同。憔悴

無復理。羞與郎相見。恨在羞字。為郎顚顚。卻羞郎。久道破矣。

三首俱有微順自將意。○樂府桃葉歌有感郎獨採我句。感字獨字俱。體貼得情事

出。

○團扇郎

團扇薄不搖，窈窕搖蒲葵。作態得妙。相憐中道罷，定是

阿誰非。相憐相悉中語。付度得溫細。

辛氏傳統

元正詩

正元啓令節、嘉慶紹自茲、咸慶萬年觴、小大同悅、

熙

體裁雅正。有類大家。

王氏劉和

元正朔

稔爾冥機運、迅矣四節經、太簇應玄律、青陽兆初

正

氣甚薄不似嬾人柔詞弱態。

綠珠

南海梁氏女有容貌石崇以珍珠三斛買之因號綠珠大將軍孫秀求之竟不許崇曰我爲爾得罪珠泣曰當効死于君前因自投于金谷樓下而死秀怒誅崇珠嘗作懊儂歌。

○懊儂歌

綠布澁難縫令儂十指穿。

勤心苦力不復綴怨

黃牛細犢車。

遊戲出孟津

喻意甚間殊有達人深致若使怨恨無端便覺情事不表不能視死如歸矣石家金谷俗艷事乃有此人。

翔風

石崇愛婢，魏末于胡中得之，年始十歲，使房內養之。年十五，無有止其容貌。妙，別玉聲巧，觀金色。石氏侍人美艷者數千人，翔風最以文辭擅愛。石崇嘗語之曰：「五百年後當指白日，以汝為殉。」答曰：「生愛死離，不如無愛妾，得為殉。」身其何朽？於是彌見寵愛。及年三十，妙年者爭嫉之，或者云：「胡女不可為羣，競相排毀。」崇受譖潤之言，即退翔風為房老，使立羣少，乃懷怨而作詩。

○怨詩

春華誰不美。

誰字橫甚恨甚。卻含嗤鄙意。

卒傷秋落時。突煙還

自低。鄙退豈所期。

豈所期三字。低回日想。尚有驚疑顧盼之想。覺生愛死離。言猶

耳。在桂芳徒自蠹。失愛在蛾眉。坐見芳時歇。憔悴空

自嗤

不諱怨字。而相憐相恤。猶繞柔腸。

謝芳姿

王珣婢也。中書令王珣捉白團扇與婢。婢有愛情。情好甚篤。嫂輩撻過苦。王東亭聞而止之。芳姿素善歌。嫂令歌一曲。當赦芳姿。應聲而歌。珣更問汝歌何道。芳姿即改之。後人遂因歌焉。

○團扇歌

白團扇、辛苦五流連、是郎眼所見。

清白得妙。

○其二

白團扇、顚顚非昔容。羞與郎相見。

兩見字。各一意。各有其妙。

苕華

姓楊氏。沙門竺僧度妻也。有才貌。父母併終。度父母亦卒。度卽捨俗出家。苕華服畢。欲勸度歸。與以書曰。髮膚不可毀。宗祀不可廢。令其顧世教。改遠志。曜翹爍之姿。干聖明之世。遠體祖考之靈。近慰人情之願。度答書曰。事君以治一國。未若弘道以濟萬邦。事親以成一家。未若弘道以濟三界。髮膚不毀。俗中之近言耳。立身行道。達者知焉。且披袈裟。振錫杖。飲清流。詠般若。雖王公之服。八珍之膳。鏗鏘之音。煒燁之色。不與易也。若能縣契。則同期于泥洹矣。人心各異。有如其面。卿之不樂道。猶我之不慕俗也。楊氏常別離矣。萬世因緣。卽今絕矣。歲聿云暮。莫時不我與。學道者當以日損爲志。處世者當以及時爲務。卿年德並茂。宜速有所慕。莫以道人經心。而坐失盛年。

也、茗華見度志既
堅、亦感悟入道矣、

、與竺僧度

人生一世間、飄若風過牖、

便有出世之想。非
究竟耽溺人語。

清音

可娛耳、滋味可適口、羅綺可飾軀、華冠可曜首、安

事自剪削、耽空以害有。

此句非資悟警
捷人。那得知

不道妾區

區。但令君恤後。

詞旨嚴正。在度亦不
可少此一段相規語。

劉妙容

字稚華、賢令劉惠明女也、大婢春條、小
婢桃枝、皆善箜篌、歌宛轉、歌、相繼俱卒、

茗華

後有會稽王敬伯者、為東宮衛佐、過吳、登
中渚亭、望月倚琴、歌泣露之詩、俄見一女
子、謂敬伯曰、女郎悅君之琴、願共撫之、既
而女郎至、姿宛婉麗、綽有餘態、從二少女、

女郎命大婢酌酒、小婢彈箏篴、女郎脫金釵扣絃而和之、將去、留錦卧具、繡香囊遺敬伯、敬伯報以牙火籠、玉琴軫、悵然別去、敬伯至虎牢戍、會惠明舟中、亡卧具于敬伯、舡獲焉、敬伯具以告、果於帳中得火籠、琴軫、乃知三女為妙容、春條桃枝也。

○宛轉歌

月既明

既字、文章語、有慙有節、推就之妙在此。

西軒琴復清。寸心斗

酒爭芳夜。

譚友夏云、爭字却妙、不負光景人、真有一事。

千秋萬歲同一

情。

譚友夏云、前四語如花如水。

歌宛轉、宛轉淒以哀、願為星與

漢、形影共徘徊。

其二

悲且傷、參差淚成行

參差淚成行。比疊袖雙淚痕。同一哀苦。

低紅掩

翠方無色

此句幽細處。在一方字。然亦漸有鬼魅氣。

金徽玉軫爲誰鏘

歌宛轉、宛轉清復悲、願爲煙與霧、氤氲對容姿

煙霧

氤氲不用掩字。映字。却用對字。知其落想高妙。

杜蘭香

自稱南陽人。建興四年春。數諸張傳。傳年十七。望見其車在外。一婢通言。阿母

遣配君。君可不敬。傳先改名碩。碩呼女前視。可十八九。說事邈然。杳遠。有婢子二人。

大者萱枝。小者松枝。銅車青牛上。飲食皆

備。作詩二首。出薯蕷子三枚。大如雞子。云

食此。令君不畏風波。辟寒濕。碩食二枚。欲

留一枚。不肯令碩盡食之。言本爲君作妻

情。無曠遠。以年命未合。其小乖大。

歲東方朔。當還求君。贈碩以詩。

贈張碩詩

阿母處靈丘時遊雲霄際衆女侍羽儀不出牖宮

外飄輪送我來豈復耻塵穢

此處下一耻字胸中尚脫不得仙凡谿徑

從我與福俱嫌我與禍會

欺凌要挾神仙亦任氣質耶

○復贈張碩

逍遙雲霧間吁嗟發九疑

吁嗟二字已含顧盼之情流女不稽

路弱水何所之

此便神仙語氣飄遠超舉非塵土間形質

李夫人

賈充前妻李氏，淑美有才行，生二女，一名荃，一名濬。父豐誅，李氏坐流徙，後娶

城陽太守郭配女，卽廣城君槐也。武帝踐祚，李以大赦得還，帝特詔充置左右夫人。充母亦勅充迎李氏，郭槐怒攘袂數充曰：「佐命之功，我有其分，李那得與我竝？」充乃答詔，託以謙冲，不敢當兩夫人盛禮，實畏槐也。而荃爲齊攸王妃，欲令充遣郭而還，其母充乃爲李築室於永年里，而不往來。荃濬每號泣請充，充竟不往。會充當鎮關右，公卿供帳祖道，荃濬懼充遂去，乃排幔出於坐中，叩頭流血向充及群僚，陳母應還之意。衆以荃王妃，皆驚起而散。充甚愧，旣而郭槐女爲皇太子妃，帝乃下詔斷如李比，皆不得還。後荃恚憤而薨，初槐欲省李氏，充曰：「彼有才氣，卿往不如不往。」及女爲妃，槐乃盛威儀而去。旣入戶，李氏出迎。槐不覺腳屈，因遂再拜。自是充每出行，

槐輒使人尋之、恐其過李也、初充母柳見
古今重節義、竟不知充與成濟事、以濟不
忠、數遣罵之、侍者聞之、無不竊笑、及將亡
充問所欲言、柳曰、我教汝迎李新嬪、尚不
肯安問他事、遂無言、及充薨後、李氏二女
乃欲令其母祔葬、賈后弗之許也、及后廢、
李氏乃得合葬、李氏作女訓行於世

○定情聯句

室中是阿誰

情薄處正在此一問

歎息聲正悲

充

歎息亦何

爲、但恐大義虧

李○言詞慷慨。正復嚴正。

大義同膠漆、匪石心

不移

充○昧心漢。專借古人經傳語飾非。

人誰不慮終、日月有合離。

李○善於自處。非故作寬解語也。學問經濟正在用寬緩一看。郭槐妬婦。那得不屈膝。

我心

子所達。子心我所知。

充○謬作知心語。令人欲嘔。

若。能。不。食。言。

若。能。二。字。冷。不。食。言。三。字。深。只。就。上。兩。句。已。洞。徹。充。胸。中。事。矣。若。他。人。定。情。時。邀。盟。設。誓。便。非。英。雄。有。志。與。君。同。所。宜。李

此。等。對。答。寧。獨。奪。妬。婦。之。胆。即。奸。貪。作。用。已。被。他。籠。絡。盡。矣。此。正。不。繇。才。氣。過。人。當。緣。性。情。堅。密。耳。乃。知。柳。母。令。辱。成。齊。卻。不。如。李。夫。人。之。早。智。也。

子夜

子夜晉女子也。嘗造曲。聲過哀苦。因有四時行樂之詞。謂之子夜四時歌。

○子夜歌

芳。是。香。所。爲。

譚友夏云。香。中。入。細。佳。語。

冶。容。不。敢。當。

謙。得。不。情。妙。

天。不。奪。人。願。故。使。儂。見。郎。

譚友夏云。感。天。妙。○感。天。只。在。不。奪。人。願。感。得。

癡。

譚友夏云女郎有極誇口語。有極謙讓語。總之遇有情人。誇口亦妙。謙讓亦妙。

○其二

宿昔不梳頭。絲髮被兩肩。

寫出嬌懶。

婉伸郎膝上。何處

不可憐。

情痛之言。不可看作妖淫。

○其三

崎嶇相怨慕。

怨慕看崎嶇二字妙。腸中車輪轉。是崎嶇注脚。○譚友夏云。實歷苦境。

始獲風雲通。

風雲通直接上句。語無不倫。蓋欣喜過望。必以鄭重將之。玉林語

石闕。悲思兩心同。

○其四

前絲斷纏綿意欲結交情

意欲二字打算得妙

春蠶易感化

譚友夏云易感化三字補朴在用入春蠶上

思子已復生

○其五

擘枕北牕臥郎來就儂嬉小喜多唐突

極輕薄極溫存然非

輕薄人溫存不得相憐能幾時

○其六

郎爲傍人取

取字妙郎貨歌取字經語人艷情妙

負儂非一事

譚友夏云

此句是責郎首句又似攤門不安橫無復相關意不欲徑責如此才有情

擘字俗臨字字
曾敬切音覽
持也

怨詈口角。輕鬆敏妙。使人不敢自遠也。

○其七

感歡初殷勤。

女人感人只

歎子後遠落打金側塲。

瑁外艷裏懷薄。

譚友夏云凡用謎語是子夜讀曲通套只要如此深曲不經人想過

便與詞家差遠

○其八

誰能思不歌誰能饑不食。

此一語在第二日冥當句更妙真性情

戶倚惆悵底不憶。

不必深意只口角妙絕。子夜讀曲之妙皆在此。

○其九

擘裙未結帶。約眉出前牕。約字出字。羅裳易飄颺。

小開罵春風。罵春風無理之甚。真兒女性情。兒女口角。譚友夏云說羅裳有口。妙甚。

小開。慙甚。

○其十

歡從何處來。端然有憂色。端然字莊重得妙。見女關心。每有此等情事。

激切中猜。三喚不一應。有何比松柏。比松柏與不度語氣。

涉妙在于此。○譚友夏云有何比柏戲之。也。知二句三句連讀。即知此句之為戲舞。

○其十一

我念歡的的子行猶豫情。行字便有怒意霧露隱芙蓉。見蓮不分明。

情中影語。難得如此深渾。

○其十二

憐歡好情懷

譚友夏云善於擇人。移居作鄉里。反

鄉里為親。細心

桐樹生門前。出入見梧子。

譚友夏云最是

柔氣善解嫌疑。此語雙關得朗然。

○其十三

遣信歡不來。自往復不出。

妙在此句。全不使性。譚友夏云。至自往復不

出罪過不小。不待切責矣。金桐作芙蓉。憐子何能實。

○其十四

恃愛如欲進。

譚友夏云步履閒體貼。得妙。此詩只此五字。

含羞未肯前。

作態朱口發豔歌。玉女弄嬌絃。

○其十五

始欲識郎時。兩心望如一。

望字即仰望望字。兩心望如一。此願得一心人。

更曲更媚。理絲入殘機。何寤不成匹。

○其十六

見郎善容媚。

善容媚三字反說着男子身上。已占自己地步。然更有無數驕奢鄙薄念。

頭讀空識無經緯。願得結金蘭。空識無經緯求匹

理自難。

○其十七

自從別郎來。何日不咨嗟。黃蘗鬱成林。當奈苦心

多。

此處止隱苦字。增一字。覺別有一番深意。

○其十八

朝思出前門。著思還後渚。語笑向誰道。腹中陰憶

汝。

容喜無端。實有一人欲語欲笑處。向他人不欲盡。不能盡且不可盡也。

○其十九

年少當及時。蹉跎日就老。

就字妙。人就老。若非老就人也。若不信

儂語。但看霜下草。

○其二十

常慮有二意。

常慮只是不暫釋念言。

歡今果不齊。

果不齊。微似譏刺語。

枯魚就濁水。常與清流乖。

此乖字用得新。

○其二十一

道近不得數。遂致甚寒違。

此二句。只似六朝人東帖中語。艷詩時作幽語。

愈媚。以此知幽艷。尚不如幽媚也。

不見東流水。何時放西歸。

放字妙有

看落。

○其二十二

舉酒待相勤。

待字頓。

酒。遠。林。一。空。

蒼深微遠。不似

所稱者浮艷俗艷也。有

願。因。微。觸。會。心。感。色。亦。同。

此霧厚。方許作艷詩。無一毫板腐氣。卽是情艷。不得看作兩層。

○其二十三

儂年不及時。共于作乖離。素不如浮萍。轉動春風

移。

不如浮萍。卻在轉動二字。不在春風上。妬與恨皆不足言矣。

○其二十四

氣清明月朗。夜與君共嬉。

俚處在夜與君三字。

郎歌妙意曲。

儂亦吐芳詞。

此甚平平。已似後人擬作者矣。然聲調上有雋婉處。

○其二十五

驚風急素柯。白日漸微矇。郎懷幽閨性。

幽閨上。着一懷字。下

着一性字。然又代他人想出。柔心雋氣。娥媚中帶許多委宛。要使猜疑淨盡。志若一方。能透徹。彼我情性。儂亦恃春容。

○其二十六

儂作北星辰。千年無轉移。歡行白日心。

如此作想。再不必指

天誓
日矣朝東暮還西。

○其二十七

寢食不相忘。同坐復同起。玉藕金芙蓉。金玉字。用得矯徒。

無稱我蓮子。

名媛詩歸卷之三 終

謝道韞

三

無所定數

錄食不精必同坐對同殊王薛金芙蓉

晉書
王宗周

○其二十

日矣
天書
韓東幕數西

名媛詩歸卷之四目錄

晉二

太微玄清左夫人

北淳宮中歌

萼綠華

贈羊權詩
三首

九華安妃

贈楊司命
二首

中候王夫人

中候詩

四首

昭靈李夫人

初降詩

復降歌

南極王夫人

授楊義詩

二首

紫微王夫人

答太元真人

三首

玄隴敘遊

九月六日夕與雲林又降命楊君染筆喻
作令示許長史穆及郗方回

又示許與

十月十八日又與衆降命楊君書

三首

二月三十日吟一章

四月十四日又作七章

七首

魏華存

與衆真吟

與許長史

吟寄許玉斧

附王母贈魏夫人歌

雙禮珠

彈雲璈答歌

又并十章

十首

二月三十日今一章

十月十八日又與眾別命辭諸書

三首

又永符典

并今永符典史新又終六回

六月廿六日又與雲林又別命辭諸書樂筆會

目次畢

名媛詩歸卷之四

景陵鍾惺伯敬點次

晉二

太微玄清左夫人

太微之上真也。晉興寧三年乙丑十二月十七日，與太元

真人衆真降於句曲金壇真人楊羲之寶吟。北淳宮中歌。

○北淳宮中歌

鬱藹非真墟。太元爲我館。玄公豈有壞。縈蒙孤所

難。

情牽欲制。正難於猛起一念。縈蒙字。孤字。皆從頑根發憤。乃知所難字。下得深。

落鳳控

紫霞矯轡登晨巘。寂寂無濠涯。

濠涯兩字。合來便奇。然以成句觀之。

則又以寂寂二字深也。

暉暉空中觀隱芝秀鳳丘

隱芝二字畢竟仙人

口

逡巡瑤林畔龍胎嬰爾形

奇質處人知其用嬰字不知其用爾形字

八瓊迴素旦琅華繁玉宮結葩凌巖粲鵬扇絕億

嶺拊翮扶霄翰

徑似唐人游仙詩

西庭命長歌雲璈棄虛

彈

命字溫恭棄字酒逸可想仙人友愛處

八風纏綠宇叢烟豁然散

鬱然

靈童擲流金火微啓案辭三元折腰舞紫皇

深秀

揮袂讚

形容樂處只見其神靜氣閒

朗朗扇景輝曄曄長庚燠

超駢聳明办下盼使我慍

悚惕警戒令人不得不惻然

顧哀地

仙葦何爲栖林澗

質重而秀。體莊而靈。和雅安詳。仍有飄然
凌舉之態。仙人不諱作詩。正以剗其鈍根
養其弱質耳。

萼綠華

萼綠華者。仙女也。年二十許。上下青衣。
顏色絕整。以晉穆帝昇平三年。己未。十
一月十日。夜降於羊權家。自云是南山人。
不知何山也。自此一月。輒六過其家。權字
道輿。卽晉簡文帝黃門郎羊欣之祖也。權
及欣皆潛修道。要眇玄味。真綠華云。我本
姓楊。又云是九嶷山中得道女。羅郁也。宿
命時。曾爲其師。屢毒殺乳婦。玄洲以先罪
未滅。故暫謫降身。濁以償其過。贈權詩一
篇。并火澣布手巾一條。金玉條脫各一枚。
條脫似指環而大。異常精好。謂權曰。慎無
泄我下降之事。泄之則彼此獲罪。因曰。修
道之士。視錦繡如繁帛。視爵位如過客。視
金玉如瓦礫。無思無慮。無事無爲。行人所

不能行學人所不能學。勤人所不能勤。得人所不能得。何者。世人行嗜欲。我行介獨。世人學俗務。我學恬漠。世人勤聲利。我勤內行。世人得老死。我得長生。故我今已九百歲矣。授權尸解藥。亦隱影化形而去。今在湘東山中。

○贈羊權詩

神嶽排霄起。飛峯鬱千尋。寥籠靈谷虛。瓊林蔚蕭

森。羊生標美秀。弱冠流清音。

要知此三字。非如棲世俗于求名譽。

情莊惠津。

莊惠二字。是他得力處。

超形象魏林。揚彩朱門中。

內外邁俗心。

二句抵却多少仙風道骨等語。

仙人作讚人語。只於平常語氣中。熨貼其情性。無浮稱溢美之辭。正使其人可受也。

俗人連篇累紙。詆人嘲人耳。安見其為頌美也。

○其二

我與夫子族源胄。同淵池。宏宗分上業。

典質語。歸美得鄭重。

於今各異枝。蘭金因好著。

三字作金蘭註。疏。覺深一層。

三益方

覺彌。

○其三

靜尋欣斯會。

靜尋二字。深微令潔。令人可想不可即。

雅綜彌祀齡。

古奧

語。極靜。極有感慨。

誰云幽鑒難得之方寸裏。

誦此二句。覺仙人修習。皆

以洒逸為受用。不以祛制為工夫。學問道理。淺深具在。

翹想樊籠外。俱為山

巖士無令騰虛翰。中隨驚風起。遷化雖由人。藩羊
未易擬。所期豈朝華。歲暮於吾子。
息。只此已盡。
深厚語。却從靜想出之。往復消

九華安妃

九華安妃者晉興寧三年乙丑六月二十五日夜與紫微王夫人降金壇

楊義家妃著雲錦裙上丹下青文彩光鮮
腰中有綠綉帶繫十餘小鈴鈴作青黃色
更相參間左帶玉珮亦如世間珮但幾小
耳衣服條條有光照眠室內如日中映視
雲母形也雲髮鬢整頓絕倫頂中作髻
餘髮垂下至腰指著金環白珠約臂年可
十三四許左右有二侍女一著青衣帶青
章囊手持一錦囊長一尺二寸盛書書當
十許卷以白玉檢檢囊口檢上刻字云玉
津神虎內真紫元丹章其一侍女著青衣

捧白箱以絳帶束絡之、白箱似象牙形、侍
女年可十七八、許整飾非常、妃及侍者顏
容瑩朗、鮮徹如玉、五香芬馥如燒香、芸氣
也、初來入戶、在紫微夫人後行、夫人啓之
始、乃具告曰、今日有貴客來、於是楊君起
立、紫微曰、可不須起、但當共坐、自相向作
禮耳、於是就坐相禮畢、紫微曰、此卽上真
元君、金臺李夫人之少子也、太虛元君共
遣詣龜山學上清道、道成受太上書、署爲
紫清上宮、九華真妃也、賜姓安名、鬱嬪、字
虛簫、紫微問楊君世曾見有此人否、答曰、
靈真高秀、無以爲喻、妃手中先握三枚棗、
色如乾棗、而形長大、亦不作棗味、食之無
核、味似梨、而妃夫人楊君各食一枚、妃問
君年幾、答三十六、庚寅歲九月生、妃曰、君
師南真夫人、司命秉權、道高妙備、實德之
宗也、聞君德音甚久、不期今日契冥之會、
君答以沈澗下俗、塵染其質、高卑雲邈、無

緣稟敬猥虧靈降欣踊罔極唯蒙熟訓以祛其闇濟其兀兀夙夜所願也妃曰若今語不得有謙飾之詞謙飾殊非事宜良久命楊染筆為詩畢妃取視之曰今以相贈以宣丹心若意中有不解者自可徵訪耳

○贈楊司命

雲闕豎空上瓊臺竦鬱羅紫宮垂綠景

二字高秀

靈觀

藹差峩琅軒朱房內上德煥絳霞

此處着一莊語便與平平鋪敘

不俯漱靈瓶津仰掇碧椀花濯足玉天池鼓枻牽

牛河遂策景雲駕落龍轡玄阿振衣塵滓際褰裳

涉濁波願為山澤結

結字奇

剛柔順以和

五字深細可見山澤

中亦須學問。相携雙清內。上真道不邪。下語有關係。紫微會

良謀唱納享福多。

○其二

駕歟發西華。無待有待間。或眇五嶽峯。或濯天河

津。釋輪尋虛舟。所在皆纏綿。仙人踪跡。去來無常。揔在數句寫盡。芥

子忽萬頃。中有崑崙山。小大固無殊。遠近同一緣。

彼作有待來。我作無待觀。道理語。無學究氣。妙在有待無待。看得透說得

出耳。

二詩皆有張陸膚板氣。然粗看則爾。細閱則不然。以張陸尚實發。此則帶虛游耳。蓋

虛游則靈響亦
非淺弱之謂也。

中候王夫人

東華夫人紫清內傳、妃領東宮中
候、真夫人亦爲紫微之姊、理在滄

浪雲林宮。晉興寧三年乙丑、降金壇楊羲
之家。云、靈王有子三十八人、子晉太子也。
師事嵩嶽浮丘公、白日昇天。中候名觀香、
字衆愛、是宋姬子、於子晉爲別生妹。子晉
兄弟五人、妹二人、凡七人、得道。弟眉壽、卽
觀香同母兄也。是夕、裴清靈真人、王桐柏
真人、昭靈李夫人、紫微王夫人、右英王夫
人、南嶽魏夫人、同降中候所授修真之道。
與定錄同。噉曰、鳳巢高木、素衣衫然、履順
思貞、凝心虛玄。五公石腴、彼體所便。急宜
服之、可以少顏。三八令明、次行玄真。解駕
偃息、可誦洞篇瓊、亦應數。心精高棲、隱嘿
沈間。正氣不虧、木散除疾。是汝所宜。次服
餽飯、兼穀勿違、益髓除患、肌膚充肥。然後

登山詠洞講微寅獸白齒亦能見機遂得
不死過度壬辰偃息盛木玩執周書太極
植簡金名西華與服可否自應
靈符理契同神仙歸洞相求此

○中候詩

龍旂儻太虛飛輪五嶽阿所在皆逍遙有感興冥

歌

嘆唱謳吟皆本至道偶從無意中寫出

無待喻有待相遇故得和

机候相參知慮始盡此為開悟學道人語非質言其所得也

滄浪奚足遼玄井

不為多鬱絕尋步間俱會四海羅豈若絕明外三

劫方一過

○其二

入塗會無宗。乘運觀囂羅。化浮塵中際。解衿有道

家。盼烟忽未傾。

盼字着烟上。真有雲烟縹緲之致。

携真造靈阿。虛

景磐瓊軒。玄鈞作鳳歌。適路無執滯。

朗達了悟。皆從實歷經過。

非徒懸想沉奧也。於適路二字知之。

神音儻雲波。齊德秀玉景。何用

世間多。

○其三

坦觀夷天真。去累

縱衆情。

深於養性之言。必非浮襲所知。

體寂廢

機駟。崇有則攝生。

真實受用。立證本性。孰空害有。不可以爲道也。

焉得齊

物子。委運任所經。

只如張曲江陳拾遺一首五言感遇詩耳
氣深神穆有淹雅之致無促迫之響斯有
可尚也。

○其四

登駢發東華扇颯儻太玄飛轡騰九萬八落亦已

均暫眄山水際窈窕靈嶽間

杳冥深曲。蒼鬱蒼茫。如有真靈。栖泊其間。

同風自齊氣道合理亦然

上句只在山水上說。覺同風齊氣。深奇杳靄。有

可望不可即意。下句即說理境。廼無膚廓之氣。所以為佳。

龍芝永遐齡內觀攝

天真

內觀二字。出甚。

東岑可長靜

仍說向山去。覺可長靜三字。用得靈細。

何

為物所纏。

悠然穆然。道理深厚。
處。仍有漢魏人格力。

昭靈李夫人

方丈臺東宮。昭靈李夫人者。卽北
元中玄道君李慶賓之女。太保王

郎李靈飛之妹也。以湯時得道。白日昇天。
受書爲東宮昭靈夫人。治方丈臺。第十三
朱謁中事。晉哀帝興寧三年。乙丑。八月二
十二日。夜降於真人楊羲之家。夫人著紫
錦衣。帶神虎斜。握流金鈴。年可十三四。許
有兩侍女。年可二十一二。名隱暉。皆青綾
衣。捧白玉箱二枚。青帶絡之。題曰太上帝
章。一曰太上玉文。夫人帶青色綬。如世人
帶章囊狀。隱章當長五丈許。廣三四尺。與
上元夫人。紫微夫人。右英夫人。諸真同降。
臨去

作詩、

○初降詩

雲璫帶天構。七年煥神憑。瓊扉啓晨鳴。九音絳樞中。紫霞與朱門。香烟生綠窻。真是仙境界。四駕舞虎旗。

青駢擲玄空。華蓋隨雲列。落鳳控六龍。策景五嶽。

阿三素。眇君房。適聞臊穢氣。萬濁汚我胷。浮世惡俗真有

不可洗滌在。萬濁二字。正是舉動間。便已沾染。此是仙人救世真實話。不可看作好矜自家清淨也。

臭物薰精神。着精神二字。激切中痛惜。囂塵互相衝。明玉皆璀璨。

爛何獨盛得躬。即寶惜軀命意。說得典質莊正。高揖苦不早。坐地

自生蟲。可畏之甚。

實歷危懼之言。皆從慈憫中說出。深居獨念。真覺此身之難置。於此知仙人愛人念。

頭勝於人
之自愛也。

○復降歌

縱酒觀羣慧

幻遠中有至理。任運觀化。眇然深識。畢竟仙人。自有靈趣。達節。他人言之。

便覺狂縱雜沓。難得如此安雅。

倏歛四落周不覺所以然。實非有。

待遊相遇皆歡樂。不遇亦不憂。

神朗氣逸。飄飄縱。平入極之外。

影玄空中。

縱影二字。正在幽虛靈變中生。出顧盼自如。景像恍欲神動。

兩會自

然疇。

南極王夫人

南極王夫人。王母第四女也。名林。字容真。一號南極紫元夫人。或號

南極元君。理太丹宮。受書為金闕聖君。上保司命。漢平帝時降於陽洛山石室之中。

授清虛真人小有天王王褒字子登太上帝
寶文等經三十一卷夫人年可十六七許
著錦帔青羽裙左佩虎書右帶揮靈形貌
真正天姿、瞻、靄、乘羽寶之車、駕以九龍、女
騎九千、居渤海、長離山中、主教當爲
真人者、晉興寧三年乙丑、降真人楊羲之
家、與真人同會、
因吟詩授羲、

授楊羲詩

控飊扇太虛、八景飛高、清、仰、浮、紫、晨、外、俯、看、絕、落、

漠、玄、心、空、同、間、上、下、弗、流、停、

此句狀玄心。不止說空同。竟說流行。正以

起下體無則能死二句。蓋仙人自有處說到無。非若釋氏所謂自無以之無也。

無待兩際

中

兩際中。迺見無待。參解微妙。

有待無所營

三字說有體無則有待。亦妙。

能歿體有則攝生東賓會高唱二待何足爭

東賓東嶽

上卿大

茅君也

其二

命駕玉錦輪舞轡仰徘徊朝遊朱火宮夕宴夜光

池浮景青霞杪入龍正參差我作無待遊有待輒

見隨高會佳人寢

此句深在寢字玄眇之言翻以實字膜帶中出之仙人鄙笑愚

惑人亦只此句盡之矣

二待互是非有無非有定待待各自

歸

玄感象外幽寄形表洗滌神識歸於至要
有無二義深心澹語劃然體性之間令人

情嗜
頓減。

○其三

林振須類感。

神奧語淨。豁然而開。有至理蘊含其中。朗吟數過。便覺塵慮屏釋。內有自

見

雲鬱待龍吟。玄數自相求。觸節皆有音。

聲響幽動。只從

字。句。求。之。已。泠然。在。目。矣。况。於。習。中。眼。中。先。有。一。段。開。闢。元。化。在。也。

飛輶出西華。總

轡忽來尋。入遐非無娛。同詠理自欽。

淵永明雋。尋常說出。自遠

悼此四維內。百憂常在心。

關心救世語

俱遊北寒臺。神

風開爾襟。

感慨沉着。不敢以虛簡二字了却。自己學問。揔之悲世念切。自有不敢卸擔處。古人

看得人已合一。往往如此。

紫微王夫人

紫微夫人，名青娥，字愈音，王母第二女也。昔降授太上寶神經，與

裴玄仁、裴得道、拜清靈真人、晉興寧三年乙丑六月降楊羲之家，時與太元真人、桐柏真人、右英夫人、南嶽夫人同降，言夫人位爲紫微宮左夫人，鎮羽野玄隴之山上宮，主教當成真人者，是夕真人會右英夫人歌修真之事，夫人答之以歌。

答太元真人

乘飄遡九天，息駕三秀嶺。有待徘徊盼，無待固當

靜。

諸詩中每每說有待無待，各有其妙。然固當靜三字尤深。

滄浪奚足勞，孰若

越玄井。

、其二

龜闕鬱巍巍。墉臺落月珠。列坐九靈房。叩瓊吟太

無。玉簫和我神。

和我神。却在玉簫上說。覺游戲宴樂無非至道。

金醴釋我

憂。

、其三

宴酣東華內。陳鈞千百聲。

千百字。用得歷歷可聽。

青君呼我

起。折腰希林庭。羽披扇翠暉。玉佩何鑑零。俱指高

晨殿。

俱指二字。有作想在。

相期象中冥。

神炁氣密。有宮闕莊嚴。氣像無服食暇煉腔板。

玄隴敘遊

超舉步絳霄，飛颿北隴庭。神華映仙臺，圓曜隨風

傾。啓暉挹丹元，扉景餐月精。交袂雲林宇。交袂二字。不脫

晉人聲口。豈仙人浩軫還童嬰，蕭蕭寄無宅。此五

亦隨時代升降耶。是非豈能營世網，自擾競安可語養生。抹殺此

得淒冷。是

輩人。

此只作一首張協雜詩讀。神情蕭遠。頗足相儷耳。

○九月六日夕與雲林又降，命楊君染筆喻作。

令示許長史穆及郝方回。

解輪太霞上、歛轡造紫丘、手把八天氣、縱身空中

浮、一眄造化網。自是一種開闢語。再視索高疇、道要既已

是、可以解千憂。學道人憤樂中事。求真得良友。此處着一良友自妙

不去復何求。

○又示許與郝

紫空朗玄景、玄宮帶絳河、濟濟上清房、靈臺煥差

我、入輿造朱池、羽蓋傾霄柯。二字合來奇奧震風迴三晨、

金鈴散玉華。如此藻麗真覺靈暉晻霭七轡降九陔、宴眄不必

家。仙人亦好此奇句。總由靈氣所致。借問求道子、何事坐塵波、豈

能、栖、東、秀、養、真、收、太、和、

○十月十八日又與衆降命楊君書

左把玉傘蓋、飛景躡七元、三晨煥紫輝、竦眄撫明。

真。

竦眄二字有敬謹意在。

變踊期須臾、四面皆已。

神。

蒼茫杳忽。變動

無方。使視聽之外。縹緲可見。

靈發無涯際。勤思上清文。何事坐

橫途令爾感不專。

說出病根。令人瞿然思奮。此引人極切處。

陰病失玄

機。不覺年歲分。

附與楊君語。○夫令勤者。勤其事。耽其玄微耳。愼者。亦觸類而作也。學道之難。不可書矣。有耻鄙之心者。於道亦遠乎。灌秉然後可貴耳。賢者之舉。自更始爾。今日當內

忘也。

○其二

玄清眇眇觀落景出東渟

卽此二語便已。願得絕

塵友蕭蕭罕世營

前詩求真得良友。不去復何求。何等勇決。此詩願得絕塵友。蕭

蕭罕世營。何等委宛。仙人求友念頭亦復懇至。乃爾。總是得道人不能忘情人世。願得一人亦足以救度千百人也。

其三

靈人隱玄峯真人韜雲來玄唱非無期妙應自有

待豈期虛空寂至韻固常在

有此一語。可以引人着勝地。携襟

登羽宮同宴廣寒裏借問朋人誰

又說出友字。

所存惟

玉女

附吟竟語。○卓雲虛之駿。抗翮於崆峒之上。斯文也。豈不長揖南面。求謝千乘乎。○自矜自賞。讚歎無端。味其語氣。亦甚朴直而藹肅。

二月三十日吟一章

褰裳濟淶河。遂見扶桑公。高會太林墟。賞宴玄華

宮。信道苟淳篤。

信道淳篤四字真大本領語。

何不棲東峯。

此亦敘方

諸東華之勝也

直直布語。亦覺蕭爽之氣。隱現眉目矣。

○四月十四日又作七章

控景始揮津、飛颿登上清、雲臺鬱峩峩、閶闔秀玉

城、晨風鼓丹霞、朱烟洒金庭、綠葉粲玄峯、紫芝巖

下、生慶雲、纏丹鑪、鍊玉飛八瓊、

寫出如此景像。便似昆崙蓬瀛等圖

畫宴、眄廣寒宮、萬椿愈童、嬰龍旂、

音斤啓靈電、虎旗

徵、朱兵高真迴九曜、洞觀均潛明、

說到精微廣大無非至理誰

能步幽道、

幽道二字新矣。更着一步字。卽此中自有難言之妙。細玩得之。

尋我無

窮齡。

鋪敘疏切。無復反詭僻之氣。

此直可匹長楊羽獵諸賦乎。

○其二

翳藹紫微館、鬱臺散景飆、鸞唱華蓋間、鳳鈞導龍

輶、八狼攜絳旌、素虎吹角蕭、雲勃寫靈宮、

雲勃二字神妙

不可言。覺有炯炯靈光。幻出神仙宮闕。

來適塵中囂、解轡佳人所同

氣、自相招、

說到相親相愛處、懍懍在目。然妙在上佳人上用一所字。

尋宗須臾

頃、萬齡乃一朝、椿期會足衰、劫往豈足遼、真真乃

相目、莫令心徂抄、

相目徂抄字俱奇質

虛刀揮至空、鄙滯五

神愁、

○其三

朝啓東晨暉。飛輶越滄溟。山波振青涯。入風扇玄
烟。迴眄易遷房。有懷真感人。極透徹。極深厚。語皆從無所愛。總中說來。
三金可遊盤。東岑宜永甄。用字古秀而韻。紛紛當途中。孰
能步生津。

此詩質處在遠。不似前二詩之堆堵。

○其四

飄飄入霞嶺。徘徊飛晨蓋。紫駢騰太虛。矚眄九虛
外。玉簫激景雲。靈烟絕幽靄。說到清和激悅。妙以音聲上映出雲烟。蒼深景
象。高仙宴太真。清唱無涯際。去來山嶽庭。何事

有待邁。

邁字用得深。

○其五

神玉曜靈津、七元煥神扉、虛遷方寸裏。

幽而渾。不落玄虛話。

頭緣從實際。

着想耳。

一躍登太微、妙音乘和唱、高會亦有機。

齊此天人。

眇。歸宿只在此。

協彼晨景飛、總轡六合外、寧

有傾與危。

○其六

薄宴塵飆嶺、代謝緣還歸、奚識靈劫期、顧眇令人。

悲。

只此一語。無限感慨。

爛慢說去亦只無意中感動推遷運化之
故。可見有道人。舉念即在民物上。非此着
想。便是巖壑
自全之士矣。

○其七

靈草蔭玄方。仰感旋曜精。詵詵繁茂萌。

古奧奇宕。造理自深。

誦此五字。已覺滿目。蕃庶景色矣。

重德必克昌。

結得莊鍊。正是勉勵學人口氣。然其

要在重德二字。

諸詩中有似眺覽登陟者。有似宴樂游戲者。有似譚玄說妙者。有似警策規諷者。有似悲憫哀悼者。摠是一片婆心。引人向上。根立腳耳。故其委曲導入處。必使曠涉清遠。深標嚴峻。知有可樂。乃有可慕。知有可傷。乃有可感。非止凌絕幽微。間示遐觀而

也已

魏華存

字賢安、任城人、晉司徒劇陽文康公女、幼好道、欲別居間處、父母不許、年二十有四、強適劉文、生二子、乃離室別寢、群仙來降、教以神真之道、授黃庭等經、因設酒殽、與衆真吟唱、託劍化形而去、世稱南嶽魏夫人、夫人既白日昇晨、在王屋山時、九微元君、龜山王母、三元夫人、雙禮珠紫、陽左仙石、路成、太極高仙、伯延、蓋公子、西成真人、王方平、太虛真人、南嶽赤松子、桐柏真人、王子喬等、並降夫人、小有清虛上宮絳房中、時夫人與王君與賓主焉、設瓊酥淶酒、金觴四奏、各命侍女陳曲成之鈞、於是王母擊節而歌、雙禮珠彈雲璈而答歌。

○與衆真吟

玄感妙象外和聲自相招

高真證入語。飄忽靈爽自然通悟。無服食煅煉

氣。若他人作游仙詩者。如此妙句。則散入中後邊。不肯作起句矣。

靈雲鬱紫宸蘭

風扇綠輶上真宴瓊室邈為地仙標所期貴遠邁

故能秀頻翹

即言微於邇。萬里必接語意。

翫彼八素翰道成初

不遼人事則可預使爾形氣銷

形銷尚有鬼魅氣。始是仙人。

本領

語。

○與許長史

靈谷秀瀾縈藏身棲巖京披褐均袞龍帶素齊玉

鳴形盤幽遼裡

形盤便有深杳意。

擲神太霞庭

擲神二字。虛幻難言。

真是仙人駕馭

情識等想工夫

不盡止覺誦其

語脊脊於懷

霄上有

賢空中有真聲

和樂之氣鼓舞

仰我曲晨飛

曲晨飛奇矣仰我

案

此綠軒軒下觀入度內俛歎風塵縈

憫歎得深厚

解脫

遺波浪登此眇眇身

欣慨語說得激切

憂竟三津竭奔馳

割爾齡

情深在濟度仙人亦摠是一般念頭至於

悲歎惋惜中微有幽嚴歷落氣像亦由落

筆靈

渾耳

○吟寄許玉斧

飛輪高晨臺控轡玄龍隅手携紫皇袂倏忽入風

驅玉華翼綠幃青裙扇翠裾冠軒煥崔嵬珮玲帶
月珠薄入風塵中。薄入二字有頃刻不可耐意。塞鼻逃當除。說得
可哀臭腥凋我氣百阿令心阻何不飄然起蕭蕭步
太虛。

○附王母贈魏夫人歌

駕我入景輿飄然入玉清龍裙拂霄漢虎旂攝朱
兵逍遙玄津際萬流無暫停哀此去留會劫盡天
地傾當盡無中景。無中忽着一景字。又着當盡字。不知尚有無窮奧理在此所以
萬流無暫停。劫盡天地傾也。由此不死亦無生體
言之。仙人決不肯寂莫度過日子。

彼目然道寂觀合太冥

觀字合字亦可參

南嶽挺真翰

贊得

新然即文人中稱人飛翰羽翰意

玉映曜穎精有任靡期事虛心

自受靈

上句是勇猛精進下句是虛懷容受也由此行之大學問人立地成證果矣然是已

成證果人明明領取說來亦覺膽力堅副迺知聖賢仙佛接引衆生別無二理

嘉會絳河

內相與樂未央

夫人知

雙禮珠

事見前

○彈雲璈答歌

玉清出九天神綰飛霞外霄臺煥嵯峩靈夏秀蔚翳五雲興翠華八風扇綠氣仰吟消魔詠俯研智

與慧

智慧用研字入細

萬真啓晨景唱期絳房會挺穎德

音子

神映

乃拂沛

非絕世靈通人提唱不出此五字

天嶽

凌空構洞臺深幽邃遊海悟井隘履真覺世穢儼

輪宴重空

初字甚奇

筌魚自然癡迴我大椿羅長謝朝

生世

名媛詩歸卷之四

終

